

3

F. AMBROSII
CATHARINI PO-
LITI EPISCOPI
MINORIENSIS.

INTERPRETATIO NONI
CAP. SYNODALIS DE
creti de iustificatione.



Cum Gratia & Privilegio.

V
I
V
O
M
O
R
T
E



R
E
F
E
C
T
A
M
E
A

*Venetis apud Gabrielem
Iolium de Ferrariis.*

M D X L V I I.



THE NATIONAL ANTHROPOLOGICAL ARCHIVES
WASHINGTON, D. C.



THE NATIONAL ANTHROPOLOGICAL ARCHIVES
WASHINGTON, D. C.



AD REVERENDISSIMOS ET
 Illustriss. Dominos, & Sacrosancti Concilii Bono-
 niensis Legatos D. Ioan. Marian. de Monte Epi-
 scopum Prænestinum, & Marcellum Ceruinum
 præbiterum S. R. E. Card. & ad uniuersam Sy-
 nodum, humilis ac deuotus seruus F. Ambrosius
 Catharinus Politus episcopus Miuioriensis Dei gra-
 tiam & successus prosperos.



ILLUD NVNC euenisse per-
 spicio, Reuerendissimi & Illustriss.
 Domini, quod erat facillimum di-
 uinare, uidelicet, plerosq; in Decre-
 to iustificationis multò aliter acce-
 pturos postremam illam noni cap-
 particulam, ubi legitur. Cum nullus scire ualeat &c.
 quàm fuerit mens sanctæ Synodi. Sunt enim qui ex his
 uerbis pronunciatum esse absolute existimant, non posse
 hominem ex lumine fidei certò scire se esse, aut etiam
 fuisse unquã, gratum Deo per donum coeleste chari-
 tatis. Vnde hoc quidam facile & cum gaudio, quasi
 uerum, recipiunt, cò quòd ita sibi etiam antea uideret-
 tur. Quidam uerò maligni id accipiunt ut manifestè
 falsum, ut hoc saltem habeant, quod obiciant in De-
 cretum: quoniã floccifaciunt S. Synodum. Nonnulli uerò
 sunt, qui pio affectu autoritatē Synodi amplectuntur;
 ab hoc tamen loco nonnihil scandali incurrunt: quoniã
 (salua tamen semper ipsius sanctæ Synodi autoritate)

probare non possunt, tum propter ueritatem ipsam,
quam ex aduerso stare prorsus inuictam arbitrantur,
tum propter S. Patrum, & catholicorum doctorum,
qui secus docuerunt, honorem: quorum doctrinam a S.
Synodo esse reprobata nullam exposita ratione, per=
suadere sibi non ualent, ut miris hinc inde premantur
angustiis. Cum uerò ego in eorum sim sententia, &
nihilominus Decretum simul cum ceteris Patribus pro=
bauerim, cogor propter has turbas, una opera & uer=
ba Decreti tueri aduersus malignantes, & ea non pu=
gnare aduersum ueritatem (si doctè ac subtiliter in=
telligantur) planè ostendere, propter doctos ac pios.
Quam rem scriptis explicare & ad uos mittere, op=
portunum, imò etiam necessarium existimaui, Tum ut
S. Synodi mens, quam uos etiam abundius nostis, latè
cunctis appareat, Tum uerò ne piæ mentes hoc solū=
modo offendiculo conturbentur, cum de reliquis totius
Decreti partibus, quas inoffenso pede percurrunt, ma=
gnam cœperint animi solatium. De re autè ipsa, hoc
est, de principali quæstione, si quando tractabitur, As=
sertiones meas offeram sanctæ Synodo, eiusq; censuræ
summittam, nihil omnino formidans. Existimo enim il=
lam maturè omnia cognituram atq; perpensuram, &
ueritatem tandem probaturam. Ego autem quid aliud
uolo? aut quid potius cupio? Deus nouit, quem hac par=
te neq; uereor iudicem neq; testem.

F. AMBROSII CATHA-
RINI POLITIEPISCOPI
MINORIENSIS.
INTERPRETATIO NONI
CAP. SYNODALIS DE-
creti de iustificatione.



NTEQVAM
declarem uerba De-
creti, præmitto pri-
mum eam fuisse S.Sy-
nodi mëtem nihil se-
uelle decidere cōtro-
uersum inter Catho-
licos, sed solūmodo aduersus ea quæ uel
ueteres, uel noui hæretici dogmatizarūt.
Nam præter id quod admonet Bulla sū-
mi Pontificis, ad hoc esse conuocatum
Concilium, uidelicet, ad extirpandas hæ-
reses & erroneas doctrinas, nō autem ad
statuēda noua dogmata, certe ipsum de-
creti proœmiū hoc euidenter declarat,
dum contestatur se providere contra er-
roneam de iustificatione doctrinam no-
stro tempore disseminatam. Non autem

temere, & sine magna disceptatione atq;
euentissimis argumentis & autoritate
uel scripturarum uel ecclesiæ, iudicanda
erant erronea, quæ inter Catholicos ha-
ctenus, & multo ante hæc tempora, sal-
ua charitate & pace disputata sunt & p-
tractata. Addo q̄ & sapius hoc prote-
statū estis, ambo uos Præsidentes, & spe-
cialiter in hac controuersia, tum in cō-
uentu Patrum, tum uero in cōgregatio-
ne Theologorum Et ambos audiui-
mus contestantes non uideri sibi quæstionem
hanc discussam satis ad decisionem. Imo
ipsamet sacrosancta Synodus bis decla-
rauit huius rei definitionem nunc omit-
tendam esse, & in aliud tempus seruandam,
sicut in Actis poterit apparere. De-
niq; ipsemet titulus noni cap. hoc mani-
festat abunde qui sic habet. Contra inanem
hæreticorum fiduciam. Mitto q̄ & ego, cum
sententiam meam exponerem in cōgre-
gatione episcoporum, plane sum conte-
stus, & clara uoce dixi (nullo mihi cō-
tradicante) q̄ admittebam illam adiectā
particulam in eum sensum qui nō face-
ret præiudiciū doctrinæ Catholicæ:

quem sensum etiam illam facere confes-
sus sum, & confiteor, & simul contestor
q̄ si aliter accipitur, defendi Decretum
recte non potest.

¶ Vt autem probem quod præloquitur
sum, et S. Synodi uera doctrina in eo ma-
nifestetur, primum afferō uerba Decre-
ti: ait Decretum.

Sicut nemo pius de Dei misericordia, de CHR I
S T I merito, deq; sacramentorū uirtute & efficacia
dubitare debet, sic quilibet dum seipsum suāq; pro-
prium infirmitatem & indispositionem respicit, de
sua gratia formidare & timere potest.

¶ Hactenus nihil est in controuersia apud
Catholicos, sed adiectum est.

Cum nullus scire ualeat certitudine fidei, cui nō
potest subesse falsum, se gratiā Dei esse consequutū.

¶ Hæc sunt uerba quæ in ultima cōclu-
sione nonnullos, nec ab re, conturbant
propter ea quæ mox subiiciam.

¶ Aiunt enim primum. Certum est, q̄
quibus fuit specialiter reuelatum eos eē
in gratia, certi fuerunt suæ gratiæ, & qui-
dem certi certitudine fidei, & illius f dei
cui non potest subesse falsum: Ergo con-
clusio Decreti falsa, cū sit cōtradictoria.

¶ Non me latuit quo modo quidam ad

hæc de improuiso ualeant respōdere: dicent enim forte. Fatemur q̄ speciali reuelatione possunt homines certo scire adeptionem suæ gratiæ, ac non certitudine fidei. Quasi uero quicūq; hanc certitudinem habēt ex reuelatione speciali, non habeant eam ex fide, quod est falsissimum. Non enim, nisi ex fide, creditur reuelationi diuinæ. Vnde & Beatissima Virgo de fide cōmendata est q̄ credidit Angelo reuelanti sibi eximiā suam gratiam, Et omnes Prophetæ & Apostoli, & quicunq; in uero spiritu dicebāt, Credidi propter quod loquutus sum. Quapropter uidetur q̄ iam Decreti cōclusio stare non possit.

¶ Addent ergo fortassis, q̄ supplēda est huic doctrinæ Decreti hæc exceptio, uidelicet, ut postq̄ dictū fuit. Cum nullus scire ualeat certitudine fidei &c. subintelligendum sit, aut addendū, Præterq̄ illi quibus specialiter fuerit reuelatum. Sed hæc solutio repugnat menti S. Synodi: quod uel ex eo solum colligi potest, q̄ si hæc exceptio fuisset necessaria ad ueritatē doctrinæ, non illam omisissent uiri peritissimi, qui hanc

qui hanc particulam tandē attexuerunt
Decreto pridie q̄ publicaretur, præfer-
tim cum in cap. de Prædestinatione fue-
rit tam diligenter cōsiderata atq; expres-
sa. Nec enim potest uideri nisi consulto
omissum tanq̄ non opportunum, quod
paulo post alibi fuit tam diligēter expres-
sum, sicut docet Innocentius. c. Inter, de
transl. episcopi.

¶ Addo hic q̄ cum quidam promoto-
res huius particulæ adiungendæ admo-
nuissent, uidelicet, ut hic exciperetur spe-
cialis reuelatio, ut suum propriū sensum
stabilirent, nō sunt auditi, quoniam præ-
iudicium fecissent uero sensui ac menti
ipsius sanctæ Synodi: sicut hæc uos mini-
me latent, Reuerendissimi atq; Illustris,
Domini, qui uestra, ut par erat, circūspe-
ctione nō permisistis eam exceptionem
adiungi, ne uerus illius particulæ sensus
obrueretur. Quod etiam tu melius no-
sti, Reuerendissime Marcelle, cuius tūc
erat huius rei specialis animaduersio cū
Theologis. Quærenda est igitur alia so-
lutio ad argumentum ut sustineatur De-
cretum, ne sit manifeste falsum.

¶ Argumentatur autem & secundo loco: quoniam (ut nos simul existimamus) etiam citra specialem reuelationem potest homo certus fieri suæ gratiæ a testimonio Spiritus sancti, de quo ait Apostolus ad Rom. c. viii. q̄ contestatur spiritui nostro, uel, cum spiritu nostro, q̄ filii Dei sumus. Hoc autem testimonium proculdubio fide accipimus. Et cum sit testimonium spiritus, ualidū est: & cum sit ualidum, certum facit credentem qui nouit illud, & ita certum, ut sit infidelitatis titubare. Testimonio enim spiritus subesse falsum non potest. Quare cōcluditur q̄ homo potest esse certus suæ gratiæ, & hoc certitudine fidei, & eius fidei cui non potest subesse falsum.

¶ Tertio additur, quod collectione & argumēto ex his quæ sunt certæ fidei, potest homo certo scire se esse in gratia, ut patet ex sacramento baptismi. Eo enim posito & credito quod ait Scriptura, Rite suscipiens baptismū consequitur gratiam. Et hoc sane comperto mihi quod rite susceperim baptismum, quia nō posui obicem, profecto sequitur q̄ certus

sum me esse assequutum gratiam, idq; a
certitudine quæ est ex fide, & illa fide,
cui falsum subesse nõ potest. Alioqui ri-
diculum esset dicere q; sine fide quæ di-
uinæ reuelationi innititur, possit quis ue-
nire in cognitione suæ gratiæ, cum gra-
tia sit donum Dei excedens humanā no-
titiā, teste Apostolo. Durissimum ue-
ro est sic angustare uirtutem naturæ no-
stræ, ut dicamus neminẽ scire posse utrũ
posuerit obicẽ sacramento baptismi.

¶ Quarto adiicio exempla manifestissi-
ma scripturariũ. Certum est enim quod
B. Ioānes Bap. & Apostoli fuerunt certi
suæ gratiæ, & hoc non nisi certitudine fi-
dei cui non poterat subesse falsum. Alio-
qui qua fronte dixisset idem B. Ioannes.
Ego uox clamantis in deserto, & se præ-
cursorẽ & amicũ Sponsi prædicasset? Ioan. 1.
Ibid. 3.
Luc. 1.
Mitto eius sanctificationẽ in utero, quã-
do incipit officium præcursoris, gaudio
illũ & tripudio indicans. Quæ res in fan-
tis notitiā probat, ut testatur D. Ambro,
& excellentem ipsius gratiam, cuius ille
non fuit ignarus. De Apostolis etiã non
debet Christianus homo dubitare, cum

Luc. 7.
Matth. 9.
Luc. 19.
Ibidē, 10.

pateat in euangelio illos accepisse spiritum confirmationis, quo induti sunt uirtute ex alto, iuxta Domini promissionē. Mitto alios multos quibus Dominus reuelauit eorum a peccatis liberationē, ut fuit illa mulier in ciuitate peccatrix, & Semini flua, & Zachæus cū tota domo, & pleriq; alii. Et septuaginta discipulis dixit q̄ eorū nomina essent scripta in cælis. ¶ Nec dicat mihi hic aliquis q̄ hi habuerunt speciales de hoc reuelationes excedentes communem fidem, ut propterea sit hoc idem argumētum quod primū. Non enim uerba Christi erant speciales reuelationes, ut crederentur lumine cōmunē fidem excedēte. Sicut enim ex cōmuni fide credebāt fideles illi dicenti q̄ erat filius Dei, & non speciali reuelatione. Ita etiam credebant eadem fide q̄ uera essent uerba sua: nam id cōsequenter accedebat. Si enī Dei filius, ergo uerax. Vnde non alia fidei certitudine credidit Magdalena sibi esse remissa peccata, q̄ illius fidei, qua credidit illū esse Christū. Nam in ea priori fide hæc posterior fundabatur. Patet igitur q̄ cum hi certi fuiss

sent suæ gratiæ, sequestrata speciali reue-
latione, & hoc certitudine fidei cui non
potest subesse falsum, uidetur ruere De-
creti autoritas in hac parte.

¶ Hæc sunt, & alia multa quæ nōnullos
pios & ueritatis amatores iure optimo
cōturbant, sicut ego diuinabam. Quare
& de hoc admonui, ut ualui, S. Synodū.
Quoniam uero etiam uidi posse hūc lo-
cum defendi ad eius mētem, quæ statuit
nihil se uelle aduersus doctrinam catho-
licam decernere, sed solummodo cōtra
inanem hæreticorum fiduciam, quæ in-
nititur sola fide, a qua sola certitudinem
hanc haberi contendunt, ut patet ex titu-
lo eius noni cap. declarabo (cū Dei gra-
tia) illum sensum, iuxta quem hæc parti-
cula absq; ulla uerborum detorsione, ua-
leat sustineri.

¶ Pro cuius rei intelligentia duo sunt
præmittenda. Primum est q̄ Decretum
in eo q̄ nominat quādam fidem cui nō
potest subesse falsum, cōsequenter aliam
quandam esse innuit, cui potest subesse
falsum. Cum uero fides quādoq; pro ha-
bitu accipiat: sæpenumero autem pro

actu quo creditur: non unquam & pro obiecto, hoc est, pro re quæ creditur, sicut & spes pro re quæ speratur, ut B. Paulus.

Ad Tit. 2.

Rom. 8.

Expectamus beatam spem. & Spes quæ uidetur, non est spes. Statuendum est quod hoc in loco manifeste Decretum loquitur de actu fidei cui proprie potest ueritas & falsitas tribui, cum sit in intellectu, & de aliquo complexo, ut docet S. Doctor.

¶ Secundum quod erat præmittendum hoc est, quod iudicium de fide, id est, de actu fidei, utrum illi possit subesse falsum, a duabus uis sumi potest. Una est ab ipsa causa ipsius actus, hoc est, ab ipso interno lumine, unde ille actus fidei gignitur. Si enim cognosceremus quod ea quæ credimus illuminati, crederemus ab illo lumine fidei, quod Deus infundit nobis, directe illud lumen agnoscendo, profecto certi essemus quod huiusmodi fidei non potest subesse falsum: quia illud lumen Dei non in mendacium, sed in ueritatem inclinatur. Verum quia difficile est nosse infusas uirtutes, illæ enim ex seipso a nobis nosci non possunt, sed oportet ut noscantur per suos actus. Actus ue-

ro regulariter, per ipsa obiecta.) ideo
ad iudicandum de actu fidei utrum illi
possit subesse falsum, alia est uia notior
& infallibilis, uidelicet, ab obiectis ipsis.
Quia enim obiecta propria fidei, de qua
est sermo, sunt reuelata a Deo: Obiecto-
rum autem reuelatorum quædam sunt,
de quibus iam constat omnibus q̄ reue-
lata sunt, quoniam & omnibus proposi-
ta sunt ut creantur, ut q̄ Deus est trinus
& unus, & q̄ Verbum caro factum est
de Virgine, q̄ crucifixus, q̄ mortuus, &
reliqua quæcūq; iam nota sunt in eccle-
sia, & fide suscipienda. Actus ergo fidei
de his, dicitur proprie & merito fides cui
non potest subesse falsum. Nam obiecta
clara sunt, probata & catholica, sicut B.
pater Athanasius usurpauit dicens. Hæc
est fides catholica, quam nisi quisq; fide-
liter firmiterq; crediderit, saluus esse nō
poterit. Ipsa enim fides nō creditur, sed
obiecta creduntur fide. Sed hic mos est
etiam scripturarum, ut uocem uirtutum
sæpenumero usurpent pro obiectis, ut
quā dicitur apud B. Paulū. Vnus Deus,
una fides, unum baptisma. Dixit unam

Eph. 4.

fidem, quia eadē sunt quasi unum, quæ
creduntur ab omnibus. Aut si mauis ex-
ponere unam fidem, idest, unam credu-
litate, quia per illam unum omnes cre-
dimus, ita q̄ obiecta ipsa eadem, & com-
munia omnibus, unitatem fidei faciant:
sicut dicitur apud eundem, unam spem
esse uocationis: quoniam idem est quod
sperant omnes. Et spes pro obiectis quæ
sperantur, etiam usurpatur, ut iterum
apud eundem, Spes quæ uideretur, non est
spes. & alibi. Expectantes beatam spem.
Hæc igitur catholica fides, est illa fides q̄
hoc sibi uindicauit, ut dicatur illi nō pos-
se subesse falsum, iuxta B. Tho. doctrinā.
Quod etiam declarauit exemplo dicēs,
esse de pertinentibus ad fidem credere q̄
in hostia rite consecrata sit corpus Chri-
sti. Quod aut in hac uel in illa sit corpus
Christi, non est de pertinentibus ad fidē.
Et tñ si ego sacrificauero, & sciero cer-
to me rite sacrificasse & consecrasse, &
non credidero in ea certa hostia quā sa-
crificauī, esse corpus Christi, ero infide-
lis, ita ut quod simpliciter nō est de per-
tinentibus ad fidē, quoad me tamē perti-
neat

Eph. 1.

Rom. 8.

neat ad fidem. Et hoc non mirum, quia
pertinere tantum ad fidem ea dicuntur,
quæ habent obiecta cõmunia omnibus
credenda, ita ut si omnes scirent de par-
ticulari hostia q̃ esset rite cõsecrata, om-
nes tenerentur credere, & pertineret ad
fidem credere de illa, sicut pertinuit ad
fidem credere de hostia illa quam cõse-
crauit Dominus in cæna. Et hæc est, cui
dicitur nō posse subesse falsum, quia ha-
bet obiectum iam communiter in eccle-
sia determinatum. Ad hoc ergo aspiciēs
B. Petrus in secunda sua epistola. quum
enarrasset uisionem quā habuit in Mon-
te de gloria vnigeniti, Et habemus, inq̃t,
firmiorem propheticum sermonem: fir-
miorem dixit, non sibi qui omni certitu-
dine plenus erat & fidei & sensus, sed fir-
miorem communiter & uniuersaliter,
quoniā receptissimæ erant scripturæ ue-
teres Iudæis, & ita pertinebāt ad fidem:
non autem illa similiter quæ erāt in no-
uis nondum receptis, nec uniuersaliter
probatīs.

¶ Quamobrem nō est mirum neq̃ no-
uum, quoddam quibusdā pertinere ad

C

2. Pet. 1.

fidem, quibusdam uero non. Pertinebat enim ad fidē ipsi Petro credere post reuelationem sibi factam, q̄ iam nihil esset cōmune in Christo. Et similiter B. Paulo cui erat hoc arcanum reuelatū, Vnde peccassent illi non credentes. Quod de aliis nō sic erat, q̄ illud de scripturis elicī potuisset, sed non apparebat, non constabat. Et ideo non tenebantur alii credere, donec illud esset in ecclesia determinatum & definitum, quod omnes credere tenerentur. Nam sic efficitur fides catholica, cui non pōt subesse falsum: quia ipsum obiectum iam manifeste declaratum est cunctis.

C Ex his ergo præmissis patere potest responsio ad argumenta. Et ad primū quidem quod erat de homine specialem reuelationem habente de sua gratia. Dico q̄ sua huiusmodi fides, non est illa fides quā uocauimus catholicam, cui non possit subesse falsum: quoniā eius obiectum ex se tale est, cui potest subesse falsum. Et homo talis est ex se, ut possit in huiusmodi reuelationibus decipi, ut putando reuelationes illas non esse a Deo, cum ta

men sint, aut saltē dubitando, & ita non
(ut oporteret) assentiendo, sicut accidit
Zachariæ patri Ioānis Baptistæ. Aut etiā Luc. i.
contra, putando eas quæ sunt a diabolo,
esse a Deo: aut etiā dubitando, cum non
esset locus dubitationi. Quod si dixeris,
Pono q̄ non decipitur, sed impletur cor
hominis certitudine, ut contingebat S.
Prophetis, & in primis beatissimæ Vir-
gini. Respondeo, nō propterea fieri ab-
solute ex natura obiecti, & ex modo re-
uelationis in genere, q̄ in huiusmodi fi-
de non possit subesse falsum, nisi ex sup-
positione hac, uidelicet, q̄ homo certus
sit de reuelatione, & q̄ est a Deo. Tunc
enī quod simpliciter non attinet ad fidē,
illi tamen attinet ad fidem. De quo non
attinuit ad S. Synodum decernere. Satis
illi fuit aduersus hæreticos agēs, per hāc
doctrinā admonere cunctos, & eos præ-
sertim qui statim ut habent fidem, iactāt
se esse certos suæ gratiæ & salutis ex ipsa
fide, ut intelligant q̄ hāc talis fides, cum
non sit catholica quæ habeat obiectum
iam certum & exploratum, non est secu-
ra, sed periculosa: quia hoc eius obiectū

est expositū deceptioni. Multi enim decipiuntur qui credunt se esse in gratia, cū non sint. Et iccirco circa reuelationes in genere considerādo q̄ in illis potest esse deceptio, sicut iam dixi, iubemur probare sp̄ritus an sicut ex Deo. Non enī probatur quod ex se certum fuerit, sicut addit de articulis qui sunt Catholicæ fidei. Nec est enim ullus particularis homo, q̄ ita possit confidere in semetipso ut dicat de sua gratia. Scio q̄ non possum in hoc decipi, licet uere possit aliq̄s dicere, post legitimam tamen explorationem, Scio q̄ nō decipior. Quare nihil prohibet de eadem fide dici (diuersis tamen respectibus) q̄ potest ei subesse falsum, & q̄ non potest ei subesse falsum. Si enim feratur iudiciū a lumine interno sp̄ritus testificantis homini q̄ est filius Dei, profecto qui ex hoc lumine firmat suam credulitatem, non solum non decipitur, sed nec decipi potest. Sin autē feratur iudiciū ab obiecto, sicut ferri potius debet a nobis, qui ea quæ sunt interiora non perspicimus, præsertim in altero, dicimus q̄ huic fidei potest subesse falsum: q̄a hoc

obiectum, uidelicet, q̄ ego uel ille habeamus charitatem, non est obiectum clarū & probatum in sancta ecclesia.

¶ Ex his autem patere potest responsio ad secundum, quod erat de testimonio spiritus sancti, quod fide suscipimus, cui testimonio uere non potest subesse falsum, & consequenter nec fidei quæ innitur illo. Fatemur enim totum hoc, uidelicet, q̄ testimonio spiritus non potest subesse falsum. Verum in hoc ipso secundum se considerato, uidelicet, q̄ hic uel ille, habeat uere hoc testimoniū, potest subesse falsum. Cognoscitur enim hoc interno sensu & experimento, & si gnis, in quorum tamen discretionem potest esse deceptio. Quocirca etiam de tali homine qui non fallitur, utpote habente lumen particulare fidei, & credente spiritus testimonio de sua gratia, recte tamen dicitur simpliciter q̄ potest falli, idq̄ non est dicere q̄ fallatur, sed q̄ hoc obiectum quod fide recipit, uidelicet q̄ est in gratia, tale est ex se, ut posset recipere falsam fidē. Et item q̄ homo ipse ex se non talis est ut nō ualeat decipi: q̄q̄ si cunctæ

proferantur debitæ circumstantiæ, quæ re-
mouent omnem deceptionem, & sup-
ponantur, recte dicetur quæiusmodi fidei
sic circumstantionatæ (ut ita loquar) mini-
me potest subesse falsum, sed non simpli-
citer abstrahendo ab his conditionibus:
sicut accidit in obiectis quæ sunt catho-
licæ fidei, quibus cōtinuo ac simpliciter
dicimus quod in eis non potest subesse fal-
sum. Constat enim certe de reuelatione
eorum, & consequenter de fide qua cre-
duntur, quod non potest ei subesse falsum.
Decretum ergo dicens quod nullus potest
certo scire certitudine fidei, cui non pos-
sit subesse falsum, se esse gratiam conse-
quutum, non aliud significare uoluit quā
quod hoc obiectum particular: de illo
uel illo, quod sit assequutus gratiam, non est
obiectum fidei catholicæ, id est, fidei uni-
uersaliter cōprobratæ, cui simpliciter nō
potest subesse falsum, sicut uolunt hære-
tici dicentes, quod omnes fideles tenentur
certo credere ac statuere se esse adeptos
gratiam, idque per solam fidem, quam &
catholicam esse uolunt: & propterea ca-
uere debent homines ne fallantur hac

inani fiducia, ne se existiment esse q̄ non sunt, falsa fide.

¶ Quod autem hæc sit uera huius particulæ Decreti intelligētia, superiora uerba satis superq; indicant: legitur enim. Sicut nemo pius de Dei misericordia, de Christi merito, deq; sacramentorum uirtute & efficacia dubitare debet (hæc enim sunt obiecta fidei Catholicæ certissime reuelata) sic quilibet dum seipsum, propriamq; infirmitatem & indispositionē respicit, de sua gratia formidare & timere potest.

¶ Quo in loco aduerte quā caute loquitur sancta synodus, Dicit q̄ potest de sua gratia formidare & timere. Non dixit, debet formidare ac timere: quod profecto dixisset, imo dicere debuisset, si absolute uoluisset excludere certitudinem gratiæ, quæ formidinem nō habet. Supponit autem ad hæc formidinem & timorem creandum, facere respectum infirmitatis & indispositionis, qui quandoq; merito non habetur ab iis, qui toto corde conuertuntur, & præsentunt in se mutationem dexteræ excelsi: quia tamen uniuersaliter obiectum hoc q̄ ego uel ille sit assequutus gratiam, erat huius generis ut posset admittere formidinē,

reddīt huius rei rationem, quia scilicet,
Nullus ualet certitudine fidei, cui non
possit subesse falsum, id scire: Ac si cla-
rius dixisset. Non est hoc inter obiecta
illa, de quibus superius modo diximus,
quæ sunt catholicæ fidei, de quibus iam
non liceat dubitare. Et ideo nos salua
fide, in illis permittimus formidinem ac
dubitationem, quam tamen hæretici de-
testantur, quoniam uolunt ex huiusmodi
dubitatione periclitari catholicā fidem.
Ecce ut cuncta uero consonant sicut po-
test natura ueri.

¶ Ut autē quod dico etiā perspicuo cla-
rius reddam, Ecce cuilibet homini quā-
uis acuti uisus, qui certo uideat colum-
nam a longe, & certo cognoscat se ui-
dere columnam, alius potest dicere. Vi-
de ne forte decipiaris, ut non cernas,
quam tibi cernere uideris, columnam:
potes enim decipi. Multis enim interdū
uidetur aliquid uidere, quod nō uident.
Et tamen de eodem homine uidente co-
lumnā, hoc supposito q̄ uere uideat,
eo quod sit sani sensus, & distantia pro-
portionata potentiæ sensus, & medium
non

non perturbatum, uere dicetur q̄ non
decipitur, sed etiā q̄ iis cōsistentibus nō
potest decipi. Et ita contingit in reuela-
tionibus particularibus, ut dicatur sim-
pliciter posse esse deceptionem, non ta-
men ex suppositione, cum legitima fa-
cta sit probatio, secundum doctrinā scri-
pturarum, aut internum discretionis spi-
rituum donum. Sed hæc declarare non
attinebat ad sanctum synodū, cum age-
ret aduersus hæreticos, qui uolunt om-
nibus qui credunt, esse certitudinē hanc
ex fide catholica, sicut dictum est, quod
solū merito uoluit s. synodus cōdēnare.
¶ Ad illud uero tertio loco p̄ductum,
quo probari uidetur, q̄ etiam ex fide ca-
tholica, cui non potest subesse falsum,
saltem collectione & argumēto potest
homo suæ gratiæ certus esse, ut in sacra-
mento baptismi. Sed facile respōdetur,
q̄ cum hoc obiectum non immediate
respiciat fides catholica, non potest sciri
certitudine illa fidei, qua certo credunt
quæ sunt publice ac certissime reuelata.
Hoc enim mihi solum dicit fides catho-
lica, q̄ qui rite baptizātur, recipiunt gra

tiam: & amplius, q̄ illi rite baptizantur,
qui afferunt puram fidem absque dolo.
Quod uero talem ego fidem attulerim,
non dicit mihi ulla fides, sed huius est te-
stis conscientia. Et propterea non potest
hoc obiectū, scilicet me esse fidem ade-
ptum, simpliciter, & mere haberi a fide
catholica, cui non potest subesse falsum,
ut ualeamus dicere, q̄ hoc sit mera ueri-
tas fidei, quā ueritatē loquutus sit Deus,
uidelicet, me esse gratiam cōsequutum.
Nā id accipio ex parte a testimonio con-
scientiæ meæ, quæ potest falli, & si forte
non fallatur: & propterea non potest af-
ferri ea certitudo, quæ est catholicæ fidei.
Quare Ioannes Bacchon doctē dixit, ef-
se de hoc certitudinē, siue cognitionē,
non quidem naturalem, sed quæ sequit̃
fidem: quia uenit ab experimento certo,
quod supposita fide certos nos reddit,
& si ipsi experimento in gñe possit sub-
esse falsum: Si tamen suis uallatum fue-
rit circumstantiis, in particulari nec sub-
erit falsum, nec subesse quidem poterit.
¶ Inducitur ergo impossibilitas erroris
non simpliciter, sed ex suppositione: si-

cut necesse est sedentem, dum sedet, se-
dere, & non necesse simpliciter. Pater
enim q̄ sicut multi decipiuntur qui pu-
tant se rite accessisse ad sacramentum, ut
hæretici, & qui ab hereticis absoluunt;
aut qui quouis modo non afferunt pu-
rum cor, ut olim Simon Magus, & nūc
quicunq; solam fidem sufficere ad iusti-
ficationem arbitrantur absque pæniten-
tia aut contritione: Ita etiam multi sin-
cere, & ut oportet, accedunt, qui nec id
ignorant, nec decipiuntur, & bene no-
runt ex interno lumine se non decipi,
cum tamen nō negarent absolute se pos-
se decipi. Ideo certi redduntur adeptæ
gratiæ non mere a certitudine fidei ca-
tholicæ, cui nō potest subesse falsum, ut
dicunt Lutherani, quæ sola non perficit
hanc conclusionem, sed quum illi adiū-
gitur alia certitudo de propria conscien-
tia. Ex quibus duabus propositionibus
certis, & qualibet suā certitudinem ha-
bente, certa quidem cōclusio sequitur,
sed non habens purā certitudinem quæ
est in maiore: sicut ex uniuersali aliqua
propositione cū inducitur minor parti-

Act. 8.

cularis, conclusio sequitur particularis.
¶ Verū ut quod dico fiat exemplo ma-
nifestius. A iunt Philosophi, particula-
rium & contingentium non esse scien-
tiam. Nā proprie ea sciri dicuntur, quæ
uniuersalia sunt & necessaria, ac perpe-
tuæ ueritatis. Illud enim uerum dicitur
philosopho & demonstratori, quod est
necessarium: sic enim accipit Aristote-
les in primo Poster. si recte consideret.
Et tamen dicimus q̄ etiam contingen-
tium & particulare potest esse scien-
tia, in quantum ab uniuersalibus educit̃,
& inde cōtrahit uniuersalitatem aliquā
& necessitatem: unde & de hoc uniuer-
sali, uidelicet, Triangulus habet tres &c.
uera scientia est, cum sit eius perpetua
ueritas, ex qua sequitur de quouis dato
particulari triangulo uerum esse, q̄ ha-
bet tres. Et nihilominus quum induci-
tur certus aliquis & particularis triangu-
lus, non absolute nec simpliciter de illo
dicitur q̄ sit sciētia, q̄ habeat tres, sed est
notitia sensus. Potest autem desinere ef-
se triangulus, & sic nō habebit tres. Nō
igitur particularis cōclusio proprie sciē-

rifica est : quia non habet ueritatem illā
quæ est in maiore uniuersali, puram, fir-
mam, æternam, sed cum hypothesi, ui-
delicet, si maneat, aut donec māserit triā-
gulus, habet tres. Sic. n. inest ei uis uniuers-
salis, & necessaria atq; perpetua ueritas .
Sic est & in proposito . Certitudo enim
huius propositionis, Qui rite fuit bapti-
zatus accepit gratiam , ex fide catholica
est. Quod uero hic uel ille, rite sit bapti-
zatus, non dicit fides, sed percipitur sen-
su & experimēto. Quod & si certo quis
nouerit de seipso, nō propterea quæ in-
de sequitur conclusio, uidelicet, q̄ cer-
tus est suæ gratiæ, habet eam certitudinē
simpliciter quæ est in maiore, quæ sim-
pliciter est fidei catholicæ . Quāobrem
recte in pposito cōcluditur, q̄ tota hæc
certitudo huius conclusionis q̄ ego sim
in gratia in casu proposito, cōflatur ex
duabus certitudinibus, alia q̄dem quæ
non potest deficere, quia est a fide catho-
lica, cui non potest subesse falsum : alia
uero quæ potest deficere, quia est a sen-
su & experientia quæ potest esse falsa, re-
cte dicitur, In quantum uenit hæc certi-

tudo ab ea fide, non potest ei subesse falsum: Inquantū uero a sensu & conscientia, pōt quidem uideri certitudo, & non esse. Simpliciter ergo pōt ei subesse falsum: Ex suppositione uero si ponitur q̄ conscientia recta sit & pura, non coinquinata, non cauteriata, & ita q̄ non decipitur: hoc posito & retento, iam non potest ei subesse falsum.

¶ Hæc uero omnia quæ sunt uerissima, non obstant quouis mō illi ueritati pro qua diximus & scripsimus, uidelicet, q̄ multi possint eē certi suæ gratiæ, & hoc certitudine fidei, intelligētes q̄ hæc certitudo ueniebat a fide ex parte. Nec tamen unq̄ diximus, q̄ huic fidei simpliciter & absolute consideratæ, non posset subesse falsum, sed oppositum etiam scripsimus, cum ad discernēdum utrum decipi ualeamus an nō, circa ea quæ credimus, accipiamus regulam ab obiecto quod nobis est notius, & non ab ipso habitu interno fidei, considerantes utrum credulitas nostra procedat a fide infusa an non: quod est nobis difficillimum apprehendere. Nō tamē hæc falsitatis pos-

sibilitas concedebatur in quantum con-
clusio procedebat a certitudine fidei ca-
tholicæ, quæ est infallibilis, sed in quantum
poterat homo decipi suo sensu in pro-
positione minore, qua tamen posita ue-
ra & certa¹ (sicut potest poni in nonnul-
lis casibus) ultro iam ueniebat certitudo
fidei de conclusione, cui nō poterat sub-
esse falsum, Sicut in reuelationibus ueris
non potest negari, siue sint speciales, hoc
ē, priuilegiatæ ex diuino speciali alloquo,
siue alio qui particulares, ut credimus es-
se in uiris bonis, qui in seipsis feruorem
persentiunt charitatis, qua illorū corda
plena sunt pace ac gaudio & luce sum-
ma, & audiunt ibi spiritum clamantem
Abba Pater: hi enim sunt fructus spiri-
tus. Quod si plurimi hæc nō uident, ini-
quum est eos inuidere aliis q uident.
¶ Ad ultimum argumentum quod ma-
gis mouet, Respondetur q̄ uere sancta
synodus contra hæreticos statuens, pri-
mum non ad se credidit pertinere, caue-
re de his, quibus scriptura, aut ipsa Chri-
sti uox, præbuit testimonium de ipsorū
gratia: quoniam non solum illi hanc si-

Rom. 8.

dem de ipsis habere tenebatur, cum inciperet esse catholica fides, sed omnes quibus erat notitia scripturarum. Illi enim iam canonizati erant scripturae testimonio ac uerbo Christi manifesto, cui omnes credere tenebantur, qui erant legitime persuasi de Christo a scripturis sanctis. Ecce de Ioanne testatus est Dominus quod illa scriptura Isaiae, Ego uox clamantis in deserto, pertinebat ad eum: sicut & alia apud Malachiam. Et de Apostolis suis quanta praenunciauit Dominus? quae tamen & in ueteribus scripturis inueniebantur. Isaias enim ait. Liga testimonium, signa legem in discipulis meis: Ecce ego & pueri mei quos dedit mihi Deus in signum & in portentum Israel a Domino exercituum, qui habitat in monte Sion. et alibi. Et merces mea mecum. Sicut autem non aspexit sancta synodus ad huiusmodi priuilegiatos, quorum singulari electioni diuinae scripturae attestatur, quia de his non poterat esse dubium, quoniam catholica fides ad illos extendebatur: Ita etiam non aspexit ad eos, quibus Christus uoce propria attestatus

Matth. 11.

Isa. c. 8.

status est, cui non hi solum quibus illud dicebatur, sed omnes tunc audiētes, aut etiā postmodo legentēs, tenebantur credere ex fide catholica: & nos etiam tanto magis, quanto Christi ueritas & scripturarum, pluribus est confirmata testimoniis. Et p̄ hęc omnia satis patere potest q̄ Decretum hac parte habet ueritatem, nec quicq̄ præiudicat asserentibus possibilem gratiæ certitudinē, quæ uel interna uera inspiratione ac reuelatione Spiritus sancti agnoscitur, non illa speciali, de qua doctores loquuntur, & per ipsius gratiæ singulares effectus manifestatur, uel certo argumento ex his quæ catholicæ fidei sunt (adiuncta ipsius facti certa notitia) colligitur: quanq̄ hic modus notitiæ simpliciter & in genere, sicut dixi, potest pati deceptionem, non tamē in illo uel in illo qui in certissimis signis & in luce manifestissima innitatur, & non in falsa atq; fallaci hæreticorum certitudine, contra quam sancta synodus palam intendit. Hęc uero scripsi in gratiam ueritatis pro gloria synodi, ne facile audeant, qui non intelligunt, de-

trahere sancto Decreto, quod oportet
uenerabiliter in cunctis suscipere: non
tamē ita detorquere ad sensum fallum,
quem non ualeamus defendere, & ad-
uersariis dare occasionem deridēdi. Nō
hic adiiciam q̄ sunt alia loca in Decre-
to, quæ in ipso nostro tractatu annotaui,
unde satis elicitur posse hominem co-
gnoscere gratiam diuinam in corde suo
præsentem: ad quæ me remitto.

¶ Nunc illud solummodo addā, Si uer-
ba canonis subtiliter considerentur, lo-
cum dant ut feruent hāc certitudinem,
quam nos defendimus. Eo. n. ipso quod
ait, Neminem scire posse se gratiam cō-
sequutum certitudine fidei, cui non pos-
sit subesse falsum, satis p̄mittit scire hoc
posse hominem certitudine fidei, cui ta-
men possit subesse falsum. Et hoc per-
mittens, etiam illud admittit, q̄ eidem fi-
dei possit etiam non subesse falsum. Ni-
hil enim phibet esse fidem, cui etsi pos-
sit subesse falsum, possit etiam non sub-
esse, & ita dari q̄ non subsit. Vnde relin-
quitur posse hominem certum esse se in
gratia esse certitudine fidei, cui etsi pos-

sit subesse falsum, non sublit tamen. Et
cū rationem huic dicto adiūxeris, Ideo
eiusmodi fidei non subesse falsum, quia
homo diligenter seipsum explorans, cer-
to comperit quo ad se attinet non deci-
pi, & ita persuasionem certam de seipso
acquirat q̄ nō fallitur: hoc ipso iam sup-
posito ac retento, recte postmodo dici-
tur, In hac fide non posse inueniri dece-
ptionem: sicut etiam dicitur. Quod la-
tius in nostro tractatu sum p̄sequutus.
¶ Libet superiori disputationi & hoc at-
texere, Tātum abfuisse. S. synodum, hoc
est, spiritum ueritatis qui erat in illa, ab
eo ut uoluerit damnare certitudinem il-
lam gratiæ, quam testimonio sacrarum
scripturarum ac Patrum, & doctorum
catholicorū probari, ac rationibus eui-
dentibus euinci non dubitamus, ut etiā
ex doctrina sua, & canonibus suis, cede-
rit uiris (acuto tamen ingenio præditis)
posse illā elicere ac sibi psuadere: quod
ut clare cernatur, proferam loca.

¶ Primo cum in sua doctrina habeatur,
in iustificatione tria simul infundi, uideli-
cet, fidem, spem, & charitatem: & B. Au

gustino ac Thoma testibus, potest homo certo nosse suam fidem, etiam illam a Deo infusam, pfecto manifeste sequitur q̄ iustificatus hoc noscens, cōfestim ut certus cōstituitur de sua fide tunc accepta, certus erit etiam de charitate, quæ fidē in ipsa iustificatione necessario comitatur, & præsertim cū dicat. S. Doctor, q̄ ab ipsa gratia effluunt hæ uirtutes, fides, uidelicet, spes & charitas.

¶ Secundo in canone xxvi. sic dicitur.

¶ Si quis dixerit iustum non debere pro bonis operibus, quæ in Deo fuerint facta, expectare & sperare æternam retributionem a Deo per eius misericordiam, & Iesu Christi mēritum, si bene agendo, & diuina mandata custodiendo, usque in finem perseuerauerit, Anathema sit.

Vult ergo manifeste Canon iustos specialiter teneri ad sperandum pro bonis operibus: Iusti igitur obligantur ad hoc. Quod si nemo se iustum esse potest nosse, nullus cōsequēter potest scire de suis operibus an bona sint, hoc est, meritoria uitæ æternæ. Quod si ita est, pfecto nullus tenebitur ad hoc spei suæ præceptum, quod peculiariter respicit iustos. Et quidem mihi hæc sequela uidet ma-

nifesta. Nam quum aliquibus quid præcipitur, oportet eos nosse illud sibi mandari, ad hoc ut teneantur præcepto, nisi forte ignorātia culpabili illud ignorāt. Præcipit autem hoc in loco iustis: oportet igitur ad hoc ut noscant sibi esse præceptum, & noscant se iustos. Id autem quo pacto constat cum eo, quod quidā uolunt, neminem certo nosse posse iustitiam suam? Vanus igitur redditur iste canon, qui præcipit non ualentibus sentire præceptum ad se pertinere.

¶ Nec dicat mihi aliquis, satis esse ut quis probabiliter se iustum esse agnoscat. Hic enim certa ueritas, nō probabilitas, quaeritur, in qua possit non esse ueritas. Præceptum enim iustis fit, nō iis qui se probabiliter iustos possint suspicari & falli, ut uerba ipsa plane sonant. Nō enim dicitur in canone, Si quis dixerit eos qui probabiliter se iustos credunt, aut opinantur, sed simpliciter iustos appellat: quāuis nec id facile fateamur posse accidere, ut quis probabiliter se iustum existimet coram Deo, & uere talis non sit: cum homo ualeat per cōscientiam sui

cordis abscondita penetrare: nec sit colligenda probabilitas ab eo, cui nota possit esse rei ueritas. Qui enim fieri potest ut homo iniustus probabiliter possit existimare se iustum conscientia intus non serena, non quieta, neq; tranquilla, qualis est in his qui sunt uere iusti? Qui enim probabiliter putare potest se iustum, si id existimet probabiliter, dignus est uenia, si iniustus inueniatur. Verum de hoc alibi fufius: sed ad rem. Argumentū hoc quod texui ex canone pro certitudine gratiæ, a quibusdam theologis (dum res ageretur) perspectum fuit: & tamē præualuit Spiritus ueritatis.

¶ Tercio, habetur in Decreto (et hæc est B. Thomæ doctrina) quod ad iustificationem necessarius est motus liberi arbitrii hominis qui iustificatur, hoc uidelicet pacto. Homo quum iustificatur, mouetur a Deo, ut uoluntarie suscipiat gratiam & iustitiam, quæ illi ab ipso deo infunditur, ita ut non mere passiuè se habeat in ipsa iustitiæ infusione. Quod si uerum est, & hoc fieri non possit, nisi nouerit homo infundi sibi iustitiam (Quis

enim uoluntarie quicq̃ ab alio accipit,
quod ab eo nesciat sibi dari, & se accipe-
re?)clare consequitur, q̃ homo scit se iu-
stificari quā iustificatur, idq; certo: quo-
niam aiunt ad accipiendum minus gra-
tiæ moueri liberum arbitrium a Deo.
Hoc igitur homo obseruans, manifeste
poterit scire & sentire aduētum gratiæ:
quoniam tunc erit, iuxta doctrinā hanc,
quum acceptat. Sentit aut̃ homo se acce-
ptare, quum acceptat, & quum moue-
tur a Deo ad acceptādum, si animaduers-
tat se moueri: & ita certo sensus experi-
mento colligit tūc aduenire gratiam in
animam suam, uel aduenisse. Nec tamē
me latet hæc quæ docet S. Doctor, indi-
gere ampliore discussione, quæ alteri tra-
ctatui seruata sunt. Hæc autē cuncta sub
pedibus uestris, & S. Synodi, in sincera
humilitate ac deuotione ponuntur.

AD EOSDEM REVERENDISSI.

& Illustriss. Dominos, & ad uniuersam sanctā
synodum, Defensio catholicorū qui pro pos-
sibili certitudine præsentis gratiæ disse-
runt, per eund. F. Amb. Catha.

E piscopum Minoriensem.



AM ABSOLVERAM,
Reuerendissimi & Illustriss. Do-
mini, superiorem Decreti uestri
interpretationem pro ipsius ueri-
tate tuenda, quod attinet ad arti-
culū de certitudine gratiæ, quū
delatus est ad me liber amici mei ac fratris in Domi-
no charissimi F. Dominici Soto, quem de natura &
gratia inscripsit, in quo cum multa sint quæ non pro-
bem, & meritò à doctis ac peritis in sacris literis
minime probanda esse existimem, illud tamen pluri-
mum ac meritissimò displicuit, quòd in ea quæstione
de possibili certitudine gratiæ, ea nos defendisse testa-
tur, quæ non solum à mente & cogitatione nostra sem-
per fuerunt aliena, uerū etiam iis è diametro aduer-
sa, quæ nos & uerbis perspicuis pronunciauimus, &
coram uobis etiam de scriptis recitauimus. Satis enim
me petit ille (quanquā suppresso nomine) cum in as-
serentes præsentis gratiæ certitudinem, ipsos etiam
Catholicos, totus militet, cum iam plurimo rum literis
ac rumore, serè nemo nesciat ita me in ea quæstione
gessisse

gestisse, ut qui sua legant, facile uideant me tanquam
digito designari. Quod nec ipse negabit, opinor. Quare
hoc huius uiri tam publicum testimonium. Et omni-
nò falsum, pro nostræ existimationis defensione (quam
arbitror cum orthodoxa doctrina coniunctam esse) ullo
pacto ferre non possum. Nam quantum mihi licuit ex
eius scriptis elicere, de re ipsa et questione principa-
li, quam tractatam ac definitam à sancta synodo asse-
rit, et nemo negat, mirifice uideo nos conuenire: quin
imò etiam semper conuenisse, nisi quòd fortè inuicem
nos non intelligebamus. Nam et quæ ego antea asse-
re bā pro certitudine possibili præsentis gratiæ, ipsemet
Soto ita luculenter recitat, atque ita etiam uehemen-
ter comprobat, ut ego amplius ab eo non desiderem, ni-
si ut hoc ipsum tandem constanter agnosceret. Nam si
desinat uel secum pugnare, nihil supererit quin mecum
in cunctis circa istum articulum conueniat. Quare do-
leo non licuisse nobis per illum, suum hunc librum ui-
dere antè quàm àderet, aut saltem hac de re familiari-
ter colloqui. Intellexisset enim profectò nos aliud senti-
re ac defendere, quàm quod ipse putat; Nec illi fuisset
opus cum multorum scandalo, et iniuria nostra, ac pe-
nitus absque omni fructu, taxare Catholicos, et in eo
pugnam et uictoriam fingere (sicut alius fecit) in quo
nulla fuit. Verùm quoniam parum est dicere, nisi pro-
betur quod dicitur; Dicenti autem incumbit onus pro-
bandi, ut iura uolunt, quæ solum sanctissimi Patres, ad
hoc accinctum patienter audite.



PRIMUM PROTESTOR
quod licet magnā illius libri par-
tem percurrerim, multaq; offen-
derim quæ non probem, ut præ-
fati sumus, non tamen fuit in ani-
mo cuncta taxare: nam id operos-

sum nimis, & onerosum ualdè. Hoc præmiserim ne
quis illud Caii Plinii hic existimet conuenire, reli-
qua scilicet satis esse probata, quæ non fuissent re-
prehensa. Illud igitur hic in primis mihi tractandum
sumo, quod ipse in tertio libro & secunda eius par-
te tractauit, uidelicet, de certitudine gratiæ cap. 10,
quanquàm ibi aliter titulum mutet & præponat, de
certitudine fidei Lutheranorum, nescio quam arte.
Ait ergo. Subsequitur iuxta præfatam in fronte di-
uisionem, ut in hac secunda parte de certitudine gra-
tiæ dicere prosequamur, de quo quidem articulo nõ
solum cum Lutheranis, sed cum nonnullis Catholicis
certamen nobis existit, sanè à quibus magnum nobis
fuit negotium exhibitum &c. hæc ille. Primum do-
leo uehementer quod hic homo dum seipsum prædi-
cat, non paruum præbet scandalum rei ueritatis igna-
ris, cum audiant ex illo non solum cum Lutheranis,
uerum etiam cum Catholicis sibi fuisse, & adhuc ma-
nere certamen, etiam re per sanctam synodum defi-
nita. Quid hic dicant hostes nostri, & quanto perfun-

dentur gaudio hoc testimonio, cū audiant de eo quod
definitum est in sacro concilio etiam inter nos mane-
re certamen? Dixisset saltem, certamen extitit, &
non, certamen existit, ne daret hostibus materiam ob-
olquendi, & obiectandi. Ecce schisma natum ē inter
eos. Quare meritissimē doleo & uehementer, huic ho-
mini talia excidisse, & si fortassis (ut existimo) incon-
sideratē, certē falsō. Nā & quæ synodus docuit, omnes
Patres uno ore cōprobarunt, & post eius sententiam
(quātum ego sciam) omnes itidem siluerunt. Nullum
igitur, nisi ipsi excitent, manebat certamen. Sed ac-
cedamus propius, & ipsam quæstionem inspiciamus
in suis uerbis, super qua adhuc ait uersari certamē.

Ait, Quæstio ergo est, utrum ualeat homo citra
speciale reuelationis priuilegium de cōmuni lege, ha-
bere tantam certitudinem se esse in gratia, quāta est
fides catholica. Et paulò inferius. Atqui interroga-
tio solū sit de certitudine quanta est fidei catholi-
cæ. Et iterum tandem statum quæstionis ponens, ait.
Sola ergo constituitur quæstio de certitudine fidei ca-
tholicæ, illius uel simili. Ecce igitur quæstio circa quā
uir iste magnum habuit negotium aduersum nos. Ego
uerò nesciui unquā uel in synodo Patribus, uel ex-
tra synodum Theologis, sub his uerbis fuisse proposi-
tam quæstionem, nec sub aliis quidem quibunc sen-
sum redderent: nec ullum unquā Catholicorum au-
diui super hoc disceptantem. Audiui autem omnes
& attentissimē, quòd si qui huius sic propositæ quæ-

que

stionis partem negatiuā disputando assererebant, ut certe pleriq; erant qui hoc facerent, aduersus neminem contendebant, & nullus eis hac dumtaxat parte, aduersabatur. Imò ego ipse qui uideri poteram unus ex iis qui apprimè & confideter assereret uirum probum, & seruantem mandata Dei, posse testimonio spiritus habere certitudinem suæ gratiæ absque speciali reuelatione, sicut scripture sanctæ, & patres antiqui, & rationes (ni fallor) urgentissimæ mihi persuadebant: Ego ipse, inquā, uidens secus accipi meam sententiam ac se haberet, disertè, & in scriptis, protestatus sum nunquā me sensisse, nec uelle defendere quouis modo certitudinem fidei catholicæ, nec omnino tā tam certitudinem, quanta est catholicæ fidei respectu obiecti: Et quoniam scripta propria seruaui, nunc illa ipsa fideliter, Deo teste, subiungam: hæc nempe sunt.

Declaro, quòd etsi dicimas certò sciri posse gratiam, & quidem certitudine fidei, sicut sancti patres dicere frequentissimè non dubitarunt, ut D. Bernardus, quod & Caietanus eleganter, & uerbis manifestis declarat, quod etiam ex se manifestum esse putat (nam si gratia eiusq; præsentia sciri potest, à quo alio lumine quā fidei hic in uia sciri possit?) non propterea dicimus eam esse de hoc certitudinem quæ est de articulis fidei: Et ideò non uocamus hanc fidē catholicam, idest, uniuersalem, sicut accipit B. Athanasius, sed est fides particularium sentientium in se huiusmodi lumen. Et falsissimum est, nec disputatione aut re=

spensione ulla dignum, quod est à quibusdam (alioquin
doctis & magnis uiris) dictum: uidelicet, quod homo
ex lumine fidei non potest aliud cognoscere, quam
quod ab ecclesia est determinatum, & in illa notum.
Item quod lumen nō extenditur ad ea quæ sunt facti
& cōtingentia, cōtra euidentissimas scripturas. Alio- *n fidei*
quin dicant isti mihi (ut penitus redarguantur) non-
ne B. Augustinus & Thomas clarè dicunt, quod ipso
lumine fidei potest homo certò noscere se habere fi-
dem infusam? Quomodo ergo id ex lumine fidei, cum
hoc non sit determinatum ab ecclesia, & sit res facti
atq; contingens? Et tamen isti sunt horū Achilles, qui-
bus nos adoriuntur ii qui aliter sapiunt.

Négabit forsā aliquis B. Augustinum aut Tho-
man hoc dicere. Sed Thomistæ id minime inficiabun-
tur, qui clarè norunt ex loco 1. 2. q. 112. art. 5. ad secū-
dum. & Commenta. in epistolam secundam ad Corin.
c. ultimo. De B. Augustino manifestum est, lib. 3. c. 1.
de Trin. cuius hæc sunt uerba. Fidem porro ipsam,
quam uidet quisq; in corde suo esse si credit, uel non
esse si non credit, aliter nouimus, non sicut corpora,
quæ uidemus oculis corporeis &c. non sic uidetur
fides in corde in quo est, ab eo cuius est, sed eam
tenet certissima scientia, clamatq; conscientia. Cum
itaq; propterea credere iubeamur, quia id quod cre-
dere iubemur, uidere non possumus, ipsam tamen fi-
dem, quando inest in nobis, uidemus; quia & rerum
absentium præsens est fides, & rerum quæ foris sunt,

intus est fides, & rerum quæ non uidentur, uidetur
fides. hæc ille.

.....Dicimus etiam & declaramus, non eandem esse
nec parem in omnibus iustis huiusmodi certitudinē,
sicut nec ipsa articulorum fidei determinantum cer-
titudō par est omnium. Et ideo non requiritur ab his
qui hanc fidei certitudinem habent, ut se exponant
martyrio, aut iureiurando eam asserant. Manifeste
enim falsum quidam assumunt arguentes, & uolentes
quod pro omni quod à lumine fidei habeo, quouis mo-
do debeam suscipere martyrium. Imo est tempus ali-
quando, quum nec liceat alteri reuelare quæ quis ha-
beat ex fide, quemadmodum Apostolis præcipitur ne
Mat. 17. Christum prædicent, & uisionem in monte, nisi post-
quam resurrexisset à mortuis. Et per hæc patent so-
luta & dissecta ea argumenta, quæ uiris timoratis
& piis poterant aliquem facere fucum de martyrio
& iureiurando: quoniam etsi hæc fidei certitudo ea
sit cui non possit error subesse, secundum quod ab in-
teriore lumine diuino procedit, non tamen talis est
nec tanta, quo ad nos, quanta est certitudo articulorum
fidei, & eorum quæ ab ecclesia determinata sunt &
nota, nec ita omnibus patet, nec est omnis ita certus
quod habeat gratiam (& si habeat) ut possit quilibet
istā uia decernere omnino se habere quod habet. Ni-
hil enim prohibet aliquem de aliqua re habere noti-
tiam à certitudine fidei, & tamen eundem non cogno-
scere utrum à lumine fidei illud ueniat. Nonne oculus

iste meus uos uidet, & tamen oculus meus non uidet
se uidere? B. Bernardus de casu angeli dixit quædā, Cant. 17.
quæ tamen ambigebat an ex diuina reuelatione ha-
buisset. Vnde hortantur gloriosi sancti plerumq; ho-
mines, puta, recens baptizatos, uel eos qui pœnitentiā
peccatorum egerunt, ut certò credant se in gratia es-
se, sicut producemus (si mihi fides non adhibetur)
B. Ambrosium & Augustinum hoc planè & expres-
se dicentes. Addo quod hoc lumen fidei obnubilatur
in plurimis, refrigescente propter tepiditatem nostrā
charitate; interdum etiam à tentationibus.

Hæc ego tunc clara uoce. Quare & confestim cū
primū à sancta synodo sancitum fuit ac pronuntia-
tum Decretum, interpretationem huius articuli supe-
riore libello perstrinxi, propter nonnullos, qui non sa-
tis mentem sanctæ synodi attingentes, scandalum pa-
tiebantur. Cur igitur gratis nunc & iniuria infama-
mur ab hoc homine, qui passim illud catholicis impin-
git tanquā ab eis assertum, quod erat tam manife-
ste pernegatum? Quasi non ualuerint hi homines præ-
dicare seipsos (si hoc libebat) absque uituperio nostra
& multorum scandalo, nec alio pacto quā fingē-
tes è certamine uictorias suas. Non secus enim ab alio
fratre, & socio eius de Mirāda patratū est, qui etiā
controuersiā fuisse finxit de residētia necessaria epi-
scoporū, quæ tamen nulla fuit, & nihilominus adieci-
t à se explicatam fuisse Tridenti; quod & certè nī
si ipsemet indicasset, nemo unquam sciuisset.

71. 200
Quòd autem iste Soto in publicum dederit decre-
tum de peccato originali; & eius utatur sententiis
quasi fuerit sanctæ synodi Decretum, quod ab ea pro-
uinciatum est & promulgatum, cum uerè ipsum non
sit, quis excuset? Fuerit sanè inconsiderantia, ut credi-
mus, et nō dolus. At in huiusmodi incōsiderātia non ul-
lius mōmēti ē, sed magni pōderis ac præiudicii error.
Sed ad rem propositam reuertamur, & explicē-
mus nunc primū de tota quæstione in quo conuenimus;
Deinde in quo per illum fortè possit aliqua inter nos in-
teruenire dissensio: Deniq; alia quædā, in quibus eū pu-
to proculdubiò aberasse à uero, simpliciter annotabo.

In quo conuenerint Catholici disputatores
de gratiæ certitudine.



Conuenimus ergo primū in hoc arti-
culo de certitudine gratiæ, Quòd nemo
potest habere eam certitudinē suæ gra-
tiæ, quæ sit fidei catholicæ certitudo.
Intelligimus autem unanimiter fidem catholicam, il-
lam fidem quæ est uniuersalis, & una omnium, habens
obiecta eadem probata & certa in ecclesia Dei, quæ
ab omnibus sunt fide suscipienda. Conuenimus ergo ad-
uersus Lutheranos ambo: quoniam, ut ipse Soto testa-
tur, illi uocant catholicam fidem, qua unusquisque pecu-
liariter certò credit se cōsequi remissionem peccatorū.

Conuenimus & secūdo in hoc, quòd homo non solū
non potest

non potest habere de sua gratia certitudinem fidei catholice, uerum nec tantam fidei certitudinem, quanta est fidei catholice ratione obiecti: quoniam catholice fidei obiectum est iam probata et infallibilis ueritatis, cui omnino non potest subesse falsum: sicut quod Deus est trinus & unus, & cetera quae de sacris literis patent, & in ecclesia decisa sunt ac recepta. At uero hoc obiectum, uidelicet, illum, uel illum, consequutum esse gratiam, non tale est, & ideo in eo (secundum se) potest esse deceptio, imò multi reuera decipiuntur, etsi etiam non decipiantur multi.

Conuenimus & tertio in hoc, quod Decretum (sicut ego exposui, & ipse similiter intelligit) hoc solummodo dicit, quod homo non potest scire suam adeptam gratiam certitudine fidei catholice, hoc enim significant uerba Decreti dicentis, certitudine fidei, cui non potest subesse falsum: ac si contractius dixerit, certitudine fidei catholice, cuius obiectum infallibilis est ueritatis. Salua ergo sunt omnia. Conuenimus enim in eo in quo oportet, & ut ait Apostolus, Ad quod peruentum est.

Philip. 3.

Conuenimus nihilominus & quarto in hoc, quod dici etiam uerè potest, hominem certum esse posse suae gratiae, & hoc quidem certitudine fidei, non tamen catholice. Hanc enim conclusionem frequenter ipse admittit & probat, & si non constanter in ea permanere uideatur, cum circa hoc perplexè satis loquatur, ut homo nesciens sese excusare. Et certè non iniuriæ gratia in eum obicicio, sed (nè ualde fallor) ex ueritate, & ex

ea, qua in eum afficior, dilectione, eò quòd nollem ita
eum Magistrum agere, ut non arbitretur se posse etiã
in multis offendere. Condonet igitur mihi, sicut et nos
illi uicissim ueniam damus, quòd sæpenuerò nos alios
ut puerili errore detentos reprehendit, & uel esse le
ues, uel esse hæreticos iactitet, & nostram nos prode
re ignorantiam atque inscitiam non ueretur asserere:
cum nec quid sentiamus, neque quid dixerimus, nec
quid protulerimus, sciat. Quare si quid esse potest le
uius ipse uiderit: nos ad rem ipsam reuertimur. Quòd
enim ipsemet probet quod asseruimus, & adhuc (sal
ua semper. S. Synodi autoritate) asserimus, ab eius ma
nifestis uerbis & doctrina facile potest ostendi. Ete
nim ille cum Bucero agens, cõcesit illi tanquã uerum
atq; indubitatum, quòd fides certum facit hominẽ suæ
gratiæ, quãdo habetur per motum Spiritus sancti, ipso
uidelicet Spiritu sancto perhibente testimonium spiri
tui nostro adoptionis nostræ, iuxta uerbum Apostoli
ad Rom. 8. Verum satius est ut hæc suis ipse uerbis
proponat, hæc sunt. At uerò solutio Bucerii erat illic
egregiè festiua, scilicet, quòd fides facit hominem cer
tum se esse in gratia, quando habetur per motum Spi
ritus sancti. Ecquis hoc unquã dubitare potuit? Sed
tamen quando ille motus sit à Spiritu sancto, de hoc di
cimus non posse haberi certitudinem fidei catholicæ.
Nam etsi nonnunquã testimonium sui faciat ubi habi
tat, non tamen uel euidens, uel tam certum, quã est fi
des catholica, hæc ille. At quid hoc est, obsecro, nisi id

prorsus quod nos probamus, & cum Dei gratia, etiā defendimus: uidelicet fidem quæ habetur à motu Spiritu sancti (testimoniū perhibente illo spiritui nostro) facere hominē certum suæ præsentis gratiæ, quod iste adeò non negat, ut etiam, sicut uerbis perspicuis declarat, uehementer affirmet tanquā sine dubitatione transigendum. Quid est igitur quod litigamus? hoc est enim quod perpetuò à nobis asserebatur. Nec tamē damus illi q, Spiritus sanctus non det quibusdā tantā suæ assistentiæ certitudinem, quātam fides catholica cōmunis de articulis, ut patet in Apostolis, quibus nota certaq; fuit magis sua gratia propter abundantiam inhabitantis spiritus, ut aiunt. S. doctores, quā multis fuerunt ea quæ sunt catholicæ fidei: de quo fortē dicemus inferius aliquid. Verū attendamus nunc quomodo itē magis euidenter hanc ipsam sententiam nostram cōfirmet, quam etiam Lutherana oppositam confitetur, & recte.

Octauum (inquit) argumentum contra illud facit quod aiunt, certitudinem gratiæ solum corroborari ex fide, neq; ullo modo augeri ex operibus. Pugnat quippe hoc dogma cum cōmuni sensu. Quis enim adeò sit delirus, ut negare possit eum, qui totam uitam innocenter transegit, maiorem habere conscientiæ tranquillitatem & securitatem, atq; adeò certitudinem gratiæ, quā illum, qui postquā perditissimē uixit, per motum fidei credit, & fidit omnia sibi condonari scelera, & flagitia? Atq; ex duobus, qui ex inquinata sce-

lestaq; uita resipiscunt, ecquis sanæ mentis dubitet, quin ille qui pluribus pœnitentiæ fructibus scelera sua expianda curauerit, certior illa ratione fiat suæ salutis, quàm ille qui tantum à peccatis cessauerit? Instamulant nos illi, criminanturq; huius iniquitatis, quòd iubemus pauidas conscientias dubitare. Sunt tamen ipsi qui uanissima securitate lactant peccatores, sanè quibus, licet sceleratissimis sint moribus, nihil aliud consulant, quàm cauere deinceps à peccatis. Quia Christus nihil aliud dixit, quàm, Vade, & amplius noli peccare. Nos autem, ecclesia inquam, ut sumus certissimi, quib; ubi quis primum ab iniquitate animū dimouerit, gratiam Dei obtinet: tamen quia nemini est certum certitudine fidei, an uerè cor prauum reliquerit, consulumus ita fidendum esse misericordiæ diuinæ, ut tamē homo per exercitium bonorum operum certā faciat, ut ait Petrus, uocationem suam, atque adeò certior indies fiat suæ salutis. Nam Christus non nisi seruantibus mandata promisit uitam. & Qui diligit me, inquit, sermonem meum seruabit, Et exhibere nos iubet Paulus membra nostra seruire iustitiæ, sicut exhibuimus, ut arma iniquitatis, seruire immunditiæ. Neque in Ecclesiastico solum habetur, Fili peccasti, non adicias adhuc: uerum additur, sed & de pristinis deprecare, ut tibi dimittantur. Non ergo sufficit à peccatis cessare ad constabiliendam certitudinem nostræ salutis, sed ex operibus confirmanda est certitudo. Vnde ad Corint. Paulus. Gloria nostra hæc est, testimo-

nium conscientie nostrae. Ergo nisi quieta conscientia
certitudinem habere non possumus. Ecce quam clare
pro nobis assistit toties repetens q̄ certitudinem no-
strae gratiae possumus habere, non tamen ex fide sola
(ut uolūt Lutherani) sed ex operibus bonis ex fide fa-
ctis, quae firmam et certam faciunt uocationem nostrā:
quam certitudinem, tranquilla in nobis existente con-
scientia, tum à perseuerante innocentia per timorem,
tum à bonorum operum patratiōe per dilectionem,
confirmamus: hæc est autem doctrina nostra. Quin ad-
de & ipsummet his uerbis disputantem in Lutherā-
nos. Aiunt enim (inquit ille) Cum renouatio sit imper-
fecta, & hæreat in renouatis infirmitas, tamen dicen-
dum est, ut qui uere poenitent, semper fide certissima
statuant propter mediatorē Christum Deo placere. Et
in eiusdē loci expositione Bucerus ait, q̄ articulus ille
solū poenitentibus, & uerē poenitētibus & habentibus
fidē uiuam, præcipit statuere fide certissima se assequi
gratiā. Hic precor attenti sint legentes omnes, quē ad-
modum isti, qui ex principio tam à nobis diuerso, con-
trouersiam hanc submouerunt, quā iam solis differē-
tes uerbis nos deludant. Quis dubitat quin uerē poeni-
tentes, habentesq̄ fidem uiuam, salutem per Christum
obtineant? Quisnam autem sit uerē poenitens, habeatq̄
fidem uiuam, hoc est quod nos dicimus non posse certi-
tudine fidei catholicae deprehendi. & quae sequuntur.
Nota hic ergo prudens lector, quòd cū Bucerus articu-
lum ipsorum Lutheranorum, quo precipiunt fide cer-

tiſſima ſtatuendum eſſe cuiq; ſe placere Deo , in illud
coactaſſet, ut diceret hunc articulum debere intelligi
de uerè pœnitentibus & habentibus fidē uiuam, Ipſe
Soto hoc in loco illi non repugnat, ſed fatetur eos non
ſenſu, ſed ſolis uerbis differre. Ego autem ita puto no
bis, cum illo accidere ut de principali quæſtione, ſolis
uerbis differamus. Quod enim ipſe ſolummodo mor
dicus tenet, & putat à nobis non conſideratum, uideli
cet, quòd quis ſit uerè pœnitens habeatq; fidem uiuā,
non poſſe certitudine fidei catholicæ deprehendi, hoc
profectò nunquam nos latuit.

Verùm quoniam reuera ipſe (ni ualde fallor) à ſe
metipſo diſſentit, neque conſtanter loquitur, ſed conſu
ſe ac perplexe, ut qui non poſſideat ueritatē, oportet
hæc diligentius conſiderare & animaduertere, ut in
quo diſſentiamus latè clareq; pateat.

Primiū conſtituto quòd propriè loquendo, & ſe
cundum communem acceptionem eruditorum , nemo
certus eſſe dicitur alicuius rei quæ falſa ſit. Certitu
do enim propriè, ut D. Thomas declarat, eſt firmi
tas adhæſionis uirtutis cognitiuæ ad ſuum cognoscibi
le. Non eſt autem cognoscibile quod eſt falſum . Aut
dicamus, Certitudo eſt notitiā cum adhæſione firma ad
id quod noſcitur, quaſi uideretur. Vnde uox ipſa, cer
titudo & certus, à cerno deſcendunt : non autem cerni
dicitur quod non uidetur, ſed apparet ſolummodo ui
deri. Quare ſi quis fortè ſcholæſtica quauis uſurpatio
ne dixerit certitudinem eſſe ſolam adhæſionem ad id

quod uideatur esse uerum, cum non sit, sed solum ap-
pareat, per me licebit quidem, cum alia etiam plura
inerudite comminiscantur: sed hoc apud doctos non re-
cipi, mihi certissimum est, cum nullibi in scriptis repe-
riat quisquàm, nec apud probatum quemlibet auto-
rem, (de eruditis loquor) hunc prædicandi modum,
ut dicatur quis certus esse cuiusquàm rei quæ sit fal-
sa, Alioqui quid obstat, quin omnes qui firmiter existi-
mant se esse amicos Dei, etiam huius opinati certos il-
los esse dicamus? quod nemo sapiens, credo, dixerit.
Quare illum solummodo certum esse alicuius rei ue-
re ac propriè dicimus, cui res uerè illi apparet uti ē,
et ita apparet, ut meritò firmitatem faciat adhæsio-
nis in intellectu ad eam rem, et excutiat dubitationē
atque formidinem. Hoc igitur supposito, et sic intelle-
cta uoce, ut cuiq; in promptu est intelligere, Propono
conclusionem, quòd aliquis potest esse certus suæ ade-
ptæ gratiæ; et ratio est, quia potest hoc esse uerum,
et hoc uerum potest cognoscere iis modis, qui ratio-
nabititer faciant firmam adhæsionem, ut excludatur
formido ac dubitatio. Nam, ut ipse Soto inquit, cū cer-
titudine ē diametro pugnat dubitatio. hanc autem cō-
clusionem iam ipse nobis dedit, ut superius uidimus.
Erat enim nimium negare illam, quam sancti patres
frequenter pronuntiant, sicut manifestū facio in tra-
ctatu nostro, et inferius ostendemus ex parte. Quare
miror quòd hic Magister, quod sæpe confessus est, ite-
rum atque iterum neget tamen. Etenim inter dispu-

tandum non solummodo negat certitudinem catholicæ fidei, sed simpliciter certitudinem. Vnde etiam in hunc modum argumentatur. Quamuis nulla opera nostra bona, necessaria essent ad nostram iustificationem, tamen quàm causa uel dispositio, nec diuinæ motiones, saltem ea quæ praua sunt obstaculo essent gratiæ Dei, an uero in aliquo iniquo opere, aut saltem cogitatione perseueremus, habere nemo potest certitudinem fidei catholicæ. Ergo neque certus esse quispiam potest diuinæ in se existentis gratiæ, hæc ille. Vide ut simpliciter concludens, negat simpliciter certitudinem, idque illo argumento, quod si ualet, etiam concludetur, quod non possit quis esse certus se displicere Deo: quoniam ex fide catholica non est certus ~~quisquam~~ se adulterium committere, aut furtum. Nec putes quod semel tantum sic paralogizet, nam tedium est singula persequi. Non immerito igitur dixi hunc hominem confusè ac perplexè fuisse loquutum: nec enim aliter poterat innitendo contra id quod uerissimum erat.

Accepta igitur hac ab illo conclusione, quod certus esse possit homo suæ gratiæ adeptæ, quæ meo iure poteram mihi sumere, Pono aliam, uidelicet, Cum possit esse certus homo suæ gratiæ, non aliunde hanc certitudinem aduenire posse quàm ex fide, Et ideo dici potest fidei certitudine certus: aut sicut dixit Ioannes Bachon, certitudine quæ sequitur fidem. Hanc conclusionem etiam ipse Soto nobis dedit, cum ipsi Buce-ro concessit fidem facere hominem certum suæ gratiæ, quādo

tiæ, quando habetur per motum Spiritus sancti, iuxta
uerbum B. Pauli. Ipse enim Spiritus sanctus testifica-
tur spiritui nostro quod filii Dei sumus &c. Si enim, Ro. 8.
fides certum facit, certitudo igitur hæc fidei est, cum
proficiscatur à fide: & cum certitudo sit, excludit pro-
fectò dubitationem, ut ipsemet Soto fatetur, si uelit
constare sibi ipsi, qui in Bucerum dixit. Quomodo po-
test fides certum facere hominem se esse in gratia, ni-
si tollendo omnem dubitationem, quæ ex diametro pu-
gnat cum certitudine? Ecce totum iam concessit quod
uolumus, uidelicet nos posse certos esse nostræ gra-
tiæ certitudine fidei, quanquàm non fidei catholicæ:
nec tanta, quanta est certitudo fidei catholicæ quod
& nos illi damus regulariter. Cur igitur hoc idem
quod sæpe dedit, dum ulterius disputat, passim negat;
nolens nos posse certos esse certitudine fidei de no-
stra gratia?

Dicet fortè, Ego intelligebam de certitudine fidei
catholicæ: nam fidei appellatione simpliciter hæc sola
intelligenda est, quæ catholica est. Verùm debuit id
explicare, quia non fuisset contentio super hoc, cum
nemo asserat hanc tantam fatuitatem, uidelicet, conclu-
sionē quæ creditur de propria gratia, esse fidei catho-
licæ, cum si talis esset, omnes ad hanc fidem teneren-
tur. Quòd autem sit certitudo fidei, & ita dici possit
illa, quàm Soto concessit Bucero, propter Apostoli di-
ctum manifestissimum, Caietanus suus super eo Apo-
stoli loco eleganter his uerbis probat. Testimonium

hoc(inquit)quod Spiritussanctus reddit simul cum spiritu nostro de hoc quod sumus filii Dei,internum esse significatur,ex eo quod ab utroq; interno spiritu perhibetur,non aliis sed nobis ipsis.Et quoniam testimoniū hoc non est de possibili,sed de facto,hoc est,non est de hoc,scilicet quod possimus esse filii Dei, sed est de hoc quod sumus filii Dei,Ideò donum speciale est.Nam testimonium quod possumus esse filii Dei inter testimonia cōmunia fidei comprehenditur.Testimonium autem quod ego sum filius Dei, speciale donum est. Et quoniam nullius testimonii effectus est uidere,seu,scire rem testificatam,sed credere (non enim inducitur testimonium, sed lumen aut ratio euidētiā faciens ad hoc ut uideatur,aut sciatur res,sed testimonium inducitur ad hoc,ut credatur res testificata ad hoc ut uideatur esse credendum sic esse quod testificatur) ideò ex hoc testimonio Spiritussancti & nostro quod sumus filii Dei,non intelligas me uidere aut scire, sed credere quod sum filius Dei, sed uidere hoc mihi esse credendum,quod sum filius Dei.hæc ille,Et paulò post uolens declarare hanc notitiā habere certitudinem, quæ omnem dubitationem excludit, ait quod hoc testimonium spiritus est sufficientissimū ad hoc,ut credamus quod sumus filii Dei.Quis autem negauerit à sufficientissimo spiritus testimonio, creante hanc in nobis fidem,uenire procul dubiō certitudinem quæ omnem dubitationem excludit? Sed non hoc solum Caietanus dixit,qui scripturas tractans aliter de hoc articulo sen-

t, quàm sensisset dum scholasticis incumbibat, sed cæteri patres, quos legi, omnes illum Apostoli locū tractantes, in eandem prorsus sententiam conueniunt.

Ecce D. Chrysostomus super eo loco sit ait. Quando spiritus testatur, quæ nam relinquatur nobis ambiguitas? Quòd si homo quispiam, uel Angelus, aut etià Archangelus, aut alia certè huiusmodi quædam potestas aliquid promitteret, meritò quispiam dubitaret. Suprema uerò illa essentia, quæ & hoc ipsū quod promittit, atque adeò etiam orare iussit, testimonium nobis perhibente, quis nam de dignitate hac deinceps dubitare poterit? hæc ille. Agnosce igitur in hac fide certitudinem, propter testimonium spiritus qui nō fallit quū adest, & gaudet informare suos sanctissimus ille paranympheus, & conciliator nuptiarum Sponsi.

Origines etiam dixit. Ipse spiritus adoptionis, per quem quis adoptatur, reddit testimonium, & confirmat spiritum nostrum quòd filii Dei sumus, postquā à spiritu seruitutis in adoptionis spiritum uenerimus, cum iam nihil inest timoris, idest, nihil pœnarum gerimus, sed propter amorē Patris cuncta perficimus. hæc ille. Si igitur hoc testimonio confirmamur cū absit seruilis timor, quæ pōt fingi dubitatio, aut formido quæ nutantem faciat? Qui enim nutat, confirmatus nō est.

Sed audiamus & Abbatem illum gloriosum, dico D. Bernardum, hanc fidei certitudinem nobis manifestissimè confirmantem. Ipse enim in ser. 5. dedic. sic disputat & concludit. Quis poterit saluus esse? dicunt

discipuli Saluatoris. Et ille, Apud homines hoc impossibile est, sed nō apud Deū. Hæc tota fiducia nostra, hæc unica consolatio nostra, hæc tota ratio spei nostræ. Sed de possibilitate iam certi, de uoluntate quid agimus? Quis scit si est dignus amore an odio? Quis cognouit sensum Domini, aut quis consiliarius eius fuit? Hic iā planè fidē nobis subuenire necesse est: hic oportet succurrere ueritatem, ut quod de nobis latet, in corde Patris, nobis per ipsius spiritum reueletur, & spiritus eius testificans, persuadeat spiritui nostro quòd filii Dei sumus. Persuadeat autem uocando, & iustificando gratis per fidem, in quibus nimirum uelut medius quidā transitus est ab æterna prædestinatione ad futuram magnificationem. Hæc ille: de quibus uerbis clarè patet, quòd & ipse hanc notitiam probat esse ex fide, quæ inuitur in interno sancti Spiritus testimonio, qui uerax est, & certam facit persuasionem reuelans: hoc est enim persuadere, si uocis significationem attendimus, uidelicet fidē facere quæ animū impleat, ut absit nutatio ac dubitatio. Ne uerò specialem paucorum reuelationem hic intelligeres, sed comunem filiorum Dei, meritò adiunxit dicens. Persuadeat autē uocando & iustificando gratis per fidem &c. Sed nō uno aut altero loco ista scribit uir ille gloriosus, sed in plerisq; ita clarè, ita disertè, ut nullum reliquerit tergiversationi locum quantumuis Sophistis. Nam quodā alio sermone ait. Nos scimus qui translati de morte ad uitā per uiuificantē spiritum certo & quotidiano ex=

In Cant.
ser. 59.

perimento, ipso nos illumināte, probamus uota & gemitus nostros ab ipso uenire, & ad Deum ire, illicq; in uenire misericordiam in oculis Dei. Quando enim sui spiritus uocem irritam faceret Deus? Quid his uerbis potentius, ut intelligamus quod Spiritus sancti uocem innobis clamantem, & impetrātem pro nobis misericordiam certo experimento sentimus? Nota uerba, Certo (inquit) experimento ipso illuminante &c. Quæ igitur superesse potest dubitatio? Et in alio sermone post multa ait. Deinceps omnis in uobis qui Cant. 37. hæc sentit intra se actitari, quid loquitur spiritus, cuius uox atq; operatio minime inter se unquam dissentiant; propterea ergo intelligit quæ dicuntur, quoniā quæ foris audit, intus sentit. Et post alia multò etiam clariora pro hoc testimonia, sic ait. Hac ergo in nobis gemina præeunte notitia, iam ea quæ fortè supercreuerit scientia, minime inflat, utpotè quæ nihil asserre ualeat terreni commodi uel honoris, quod non sit sanè inferius spe concepta, lætitiāq; spei iam altius radiata in animo. Spes autem non confundit, quia charitas Dei diffusa est in cordibus nostris per Spiritū sanctum qui datus est nobis. Ideò illa non confundit, quia ista certitudinem infundit. Per hanc enim ipse spiritus testimonium perhibet spiritui nostro quod filii Dei sumus. hæc ille. Quid fortius? Isti negant: Ille cum Apostolo & Apostoli testimonio (imò ipsius spiritus sancti potius) asserit certitudinem à charitate sine qua qui certum se putat, decipitur. Charitas autem in patien-

tia humili recte probatur. Hæc & alia plura ex s. Patribus quæ collegi testimonia, & in proprio opere conclusi, existimo inuictissima esse ad probandum quæ certitudo, quam habet spiritualis de sua gratia, certitudo fidei & uocatur, & uere est.

fol. 244. Verum obstabit mihi hoc in loco hic Magister, & dicit hanc certitudinem ac fidem, non diuinam esse sed humanam: nec esse posse tantam, quanta est catholice fidei certitudo respectu obiecti. Sic enim scripsit. Certitudo fidei catholice cernitur non modo ex parte subiecti, sed ex parte obiecti. Nam est assensus non solum ita firmus in quo nulla sit formido, sed ita infallibilis, cui non possit subesse, falsum: nullus autem communi lege talem potest habere assensum se fecisse quod debuit ad assequendam gratiam, quin possit decipi, saltem non repugnat naturæ talis assensus huiusmodi deceptio. Ergo talis assensus non potest esse fidei catholice; Atqui ex hinc colligitur argumentum sextum, quod nec potest huiusmodi assensus certitudine adæquare fidem catholicam, neque uerò mereri nomen aliud quam fidei humane, hoc est, intensissimæ opinionis. Nullum igitur est medium inter fidem humanam & diuinam. Est namque diuina fides (si de illa certissima loquamur, de qua hic disputamus) reuelatio, cui assensum præbere tenemur. Nam potest esse quædam Spiritus sancti attestatio, per indicia quædam, de qua futurus est sermo capite postremo. Citra diuinam autem reuelationem non restat nisi illa fides, quæ probabilibus testimo

nīs natur. libus conuītitur; cui quidem non repugnat
falſitas in obiecto. hęc ille, Quę certē nobis negotium
non paruum faciunt non quidem ſui robore, ſed con
fuſione ac perplexitate. Sed operæpretium puto (etiā
ingratis) meipſum cogere ad explicandum hęc. Ipſe
dixit hanc fidem, ſeu fidei certitudinem, qua quis cre
dit inexiſtentem gratiam, eſſe fidem humanam, non di
uinam: de actu enim fidei manifeſtē loquitur. Ego igitur
quęro, cur humanam? an quia ſit hominis? Non pu
to. Sic enim & catholica fides eſſet humana. An igitur
quia ſolū humano lumine & diſcurſu habetur?
At quō humano lumine poſſumus coniectare gratiā
in nobis eſſe, quam abſque reuelatione nec ſcire poſſu
mus utrum ipſa ſit? Sicut ergo abſque ſupernaturali
lumine nō poteſt quiſquam ſcire eſſe gratiam: ita nec
an in ſe illa ſit, abſq; eo fidei lumine ſcire poteſt. Cur
igitur non diuina hęc fides dicitur, qua ſcitur aduen
tus Spiritus ſancti?

Adhęc, Si hęc fides habetur à motu Spiritus ſan
cti, ut ipſe iam faſſus eſt, cur diuinę fidei nomen non
mereatur? Prætereā, ſi hęc fides obiectum habet testi
monium ſpiritus & reuelationem, ut clarē dicit Apo
ſtolus, & D. Bernardus declarat, & ipſe Caietanus,
ut uidimus, quid minus habet hęc fides ut ſit diuina,
quā ipſa catholica fides? Quōd enim aliquid à Deo
reueletur uni, quid minus habet reſpectu obiecti, ſe
ipſo, ſi multis reuelaretur, quo minus ſit diuina fides
de illo? Dicet, Imō iam dixit hoc eſſe, quoniam fides ca= fol. 244.

Mar. ult.
Ezec. 18.

tholica habet obiectum catholicum certum, quod omnes tenentur recipere, hæc ille. Et in tertio argumento superius, declarans amplius hoc obiectum, dixit. Obiectum proprium fidei non est nisi Deus, & illa quæ ad spem nostram pertinentia, reuelata sunt in sacra scriptura, uel inde autoritate ecclesiæ deducta & expressa: Ergo illorum dumtaxat est assensus fidei. At uerò scriptura nullibi promittit remissionem nisi in genere, Qui crediderit & baptizatus fuerit. Et, Si conuerterit se impius, &c. In particulari autem nusquam asserit lege communi, hanc uel illam singularem personam sufficienter esse per Deum adparatam, neque obieisse obstaculum suæ misericordiæ, Ergo nemo ualeat per fidem catholicam habere talem de se assensum, quod sit receptus in gratiam Dei, præter illos qui ex priuilegio talem de se habuere reuelationē. hæc ille. Hæc autē si uera sunt, multi Patriarchæ & Prophetæ qui plura, quæ nūc sunt fidei, & ab omnibus recipienda sunt, crediderunt, habentes reuelationem diuinam, non crediderunt ea lumine fidei: quia non erant in scripturis sanctis adhuc reuelata, & illa non tenebatur omnes credere. Similiter Apostoli non tenebantur ex fide diuina credere quæ de Christo sciebant, quando nondum erant credita scripturis, & sic promulgata ut omnes tenerentur ea suscipere. Et Zacharias non dico de sua incredulitate, sed hæsitacione aliqua & tarditate credendi, iniuste fuit reprehensus ab Angelo, & affectus poena, cum quod ei reuelabatur,

non

non esset in scripturis positum, sed omnino ignoratum
in terris. Quod si hæc sunt absurdissima: falsa igitur
sunt & hæc quæ nobis obtrudit hic Magister tanquã
axiomata, quibus tamen nullus benè doctus ualeat con
sentire: quibus nec rō, nec autoritas ulla suffragatur.

Ad hæc miror uehementer hunc Magistrum dixis
se, ut uidimus, hominem cui ex priuilegio fuerit reue
latum se esse in gratia Dei, habere huius rei assensum
per fidem catholicam. Quod si est uerum, iuxta eiusdē
uiri doctrinam, cuncti ergo tenebuntur credere illum
habere gratiam Dei, cui reuelatum hoc fuerit: quoniã
(ut ipse definiuit) fides catholica est illa generalis, quã
unam uniuersam eandemq; tenētur habere omnes, &
per quam sunt christiani, quaq; à Deo qui carent infi
deles habentur. Et ut uideas quàm manifestius sit con
trarius sibi ipsi, ipsemet definiuit, quòd etiam si quis ha
beret ex speciali reuelatione notitiam suæ gratiæ, non
tamen haberet catholicam fidem de hoc: neque per as
sensum catholice fidei, quæ cōmunis est omnibus, illud
crederet, sed per aliam fidem peculiarem. Hæc enim
sunt ipsius uerba, non mea, & ijs è diametro aduersan
tur, quæ iam superius dixerat, uidelicet, quòd homo si

244

Ad hæc, Si ad hæc tantum fertur (ut inquit) fidei di
uine assensus, quæ describit etiam obiectum eius pro
prium, uidelicet Deum, & illa quæ ad spem nostram
pertinentia reuelata sunt in sacra scriptura, &c. quæ

ro ab illo. Quid si quid aliud reuelatum fuerit à Deo, amico suo alicui, puta, futura alicuius principis uictoria in bello? Quid hic dicet quæso? utrū huius rei fides erit diuina an humana? si sibi cōstare uoluerit, certē nō aiet, diuina; ergo humana. Tum quæro iterum ab eo, Nunquid habebit hic homo certitudinem de reuelato? Non dubium. Etiam quæro, Nunquid tantam, quanta est catholicæ fidei? Si neget, cōuincetur ex uerbis propriis. Ipsemet. n. ait, Si Deus alicui peculiariter aliam alius generis ueritatem (ut futuram uictoriam) reuelaret, assensus ille non spectaret ad fidem catholicam, licet parem haberet certitudinem. Itaque per illū habemus, quod humana fides poterit æquare certitudine fidem diuinam; quod tamen ipse rursus, nec semel, negauit: & primo auditu absurdissimum est. Vide igitur quā rationabiliter dixi eum perplexē, & secū pugnantiā loqui in tam multis.

Ad hæc, quæro ab illo iterum: Illa ex fide notitia, quā ipse nobis concessit, & de qua B. Paulus 8. ad Romanos. Et dominus apud Ioā. cap. 14. qua homo noscit inhabitantem spiritum in seipso, est notitia ex fide infusa an non? Si confitetur, conuincitur. A diuina ergo fide habetur gratiæ certitudo: quod ipse negat. Sin autem hoc nobis negat, habet aduersantem sibi suum Caietanum, qui super epistola Ioā. ca. 3. tractans illa uerba. Scimus quoniam translati sumus de morte ad uitā; quoniam diligimus fratres: Sic ait. Est sermo de notitia affectiua quam efficit fides infusa, quæ per dile-

tionem operatur. Hæc Caietanus: cum illo ergo litiget, & interim me absoluat, si placet.

Ad hæc, Sit homo, puta Ioannes, certus factus gratiæ suæ reuelatione speciali: Quæro de hoc, an sit certus huius rei certitudine fidei? Si concedit, contradicit sibiipsi: quia iam declarauit obiectum proprium fidei esse, quod est in scripturis, & omnibus communiter reuelatum: quale non est particulare, uidelicet, Ioannem esse in gratia. Si autem negat, rursus etiam contradicit sibiipsi, qui ponens regulam quod homo non potest esse certus certitudine fidei se habere gratiam, illico subiungit exceptionem, dicens: Præter illum cui facta fuerit specialis reuelatio. Vult ergo quod cui facta est reuelatio, sit certus certitudine fidei, etiam eius quod non est obiectum fidei: contra quod ipsemet iam statuit. Quanto ergo rectius erat cogitare, quod sicut homo speciali & prophetica reuelatione, quæ nõ est immanens, potest esse certus suæ gratiæ certitudine fidei, non obstante natura huius obiecti, quod nõ est fidei catholicæ obiectum, ita etiam possit esse certus itidem suæ gratiæ certitudine fidei per illam communem reuelationem, & testimonium quod facit Spiritus sanctus in eorum cordibus qui Domino seruiunt, & sollicitè ambulant cum Deo suo. Nam si obiectum cogitatur, unum est. Si reuelatio diuina quæritur, etiã hic est. Testimonium enim spiritus (ut declarat D. Bernardus, non nisi quædam reuelatio est. Hæc aut erant quæ debebat sibi prius explicare hic uir, quàm sibi

sumeret magisterium non solum docendi alios, uerum etiam redarguendi.

Ad hæc, quæro item ab eo. Nunquid homo potest esse certus se habere fidem saltē informem? Si negat, contradicit B. Augustino & Thomæ, imò & ipsi experientiæ. Si fatetur, iterum rogo, utrū certitudo hæc sit à fide infusa, ita ut ex fide infusa homo hoc norit? Si concedit, fides ergo diuina (nam fides infusa diuina est) respicit hoc obiectum ut proprium, uidelicet, particularem hominem habere fidem, & illam infusam: quod tamen ipse perpetuò negat, uolens hoc non esse proprium fidei diuinæ obiectum. Sin autem negauerit, uidelicet, quòd homo possit habere certitudinē suæ fidei per infusam fidem, rursus contradicit B. Tho. & Cōmentatori eius Caietano, qui sic scribit ad uerbum. Ex actibus fidei homo credit absq; formidine alterius partis se habere fidem, sicut etiam credit alia credita, scilicet, incarnationem CHRISTI &c. Et quoniam litera in responsione ad secundū, loquitur de certitudine quæ est de ratione fidei, ideò de hac certitudine intelligēda est quoad fidē infusam. hæc ille.

Ad hæc quæro ab illo, nunquid possit homo per ipsam Spiritus sancti infusionem de gratia sua habere tantam certitudinem, quanta est cōmunis certitudo fidei catholicæ Christianorum? Si concedit, redarguitur itidē à semetipso, qui hoc passim negat. Sin autē negat, habet & hic aduersum se Caiet. ipsum, qui tractans ea

1.2.q.112
art.5.

1. Cor. 2. uerba Apostoli. Nos autē accepimus spiritum qui ex

Deo est, ut sciamus quæ à Deo donata sunt nobis, in hunc modū scripsit. Ecce effectus spiritus quē accepimus, nō impetus, non furor, nō extasis nescientiū quid patiantur aut agant, sed ut sciamus: non dicit, ut credamus, quia Spiritus sanctus infusus Apostolis, causauit in illis notitiam certam donorum Dei in eisdem. Sicut enim Hieremias certam habebat notitiam quòd Deus misisset eū, affirmans: In ueritate misit me Dominus, ita Apostoli certam habebant notitiā, quod fides, spes, charitas, & alia dona, gratis data eis erant à Deo: hæc ille. Vide igitur ut supra cōmunem fidem, hanc notitiam extollit, & facit certam. Neq; hic somnianda est specialis reuelatio: quoniam hunc effectum tribuit infusioni spiritus, sicut docet D. Bernardus. Et quia magna erat spiritus abundantia, iccirco excedebāt etiam notitiæ certitudine cunctos. Quæ cum ita se habeant, exhibetur Soto iterum negotium (credo) non paruum, ut prius seipsum explicet, & Caietanum expugnet. Interim autem nos, alioqui catholicos, dimittat: nec adeò scædet censura sua tan publica, sed nouerit tandē hanc suam opinionem de proprio fidei obiecto, esse singularem, idest, tantum suam. Ego enim nec à B. Thoma probari tantum absurdum minime dubito. Et in hoc est error, quòd non arbitratur Soto aliquid posse esse articulum fidei alicui, qui tamen non fuerit ceteris. Nam fides innititur diuinæ reuelationi, & ipse inter nus habitus, in quodcunq; obiectum fertur, in quo fuerit huiusmodi ratio, ipsa nimirum reuelatio.

Gen. 4.

Errat etiam ut nō dubito, & in hoc pendet omnis eius fallacia: quia cum audit testificantem spiritum nobis, & in corde nostro de seipso, & sui admirabili providentia & gratia erga nos, existimat hoc testimonium pendere ab operibus nostris, intelligens esse testimonium conditionale, uidelicet, si fuerint opera bona. De ipsis uerò operibus non uult esse spiritus testimonium. Sed longè aliud est: nam si spiritus testimonium tale esset, certè non esset propriè filiorum Dei, cum & illud habuerit Caim, cui est dictum. Nonne si bene egeris, recipies? Et per hoc non esset sufficientissimum testimonium, quo homo rationabiliter possit credere se esse filium Dei manentem in gratia, contra quod docet Caietanus: & per hoc non faceret certitudinem ullam gratiæ, contra quod sancti Patres omnes docēt, & ipsemet superius est confessus. Testimonium ergo spiritus, quod exhibet filiis Dei, qui ipso spiritu agi se permittunt, & secundum illum ambulant & currunt, purum est, non conditionale, quo manifestatur homini diuinus amor: imò spiritus ipse noster hoc ab ipsis operibus cōiectans, qui testificatur hoc nobis, habet secum contestificantem spiritum, & ita cōfirmantem animum nostrum, qui fortè de operibus suspicari posset an essent accepta Deo, ut omnē ab eo dubitationē excludat, sicut ait D. Chryso. & pleriq; alii. Vnde iuxta græcā ueritatē, non dicit Paulus, quòd spiritus testatur spiritui nostro, sed quòd contestatur cum spiritu nostro, tanquā confirmans quod noster spiritus præsumit. Verū

de hoc in tractatu nostro latius.

Video tandem quod ipse Soto hanc ueritatem sentiens & agnoscens, quod sancti Patres hanc certitudinem simpliciter afferebant, contra quam tamen ipse disputat, uolens eorum auctoritati satisfacere, se demisit ad uiolandum significationem uocis, atque extenuandum, ut fidem ac certitudinem in opinionem nobis conuerteret. Sed non permittemus præstigia hæc, quæ tamen persequi tædet. Nam cum D. Bernardus tam clare diceret. Nouum aduenisse spiritum certissime noua conuersatio testatur, Ipse Soto hoc quod S. Abbas certissimum asserit, primò sic accipit, hoc est, non omninò certum. Et addit. Non intelligit Bernardus de certitudine fidei catholicæ, sed de certitudine quæ sufficit parare humanum cor. Verùm nec nos certitudinem fidei catholicæ defendebamus: imò illam certitudinem uolebamus, quæ sufficeret pacare cor nostrum in cursu bonæ uitæ. Non autem pacatur cor donec formido in opus situm manet, & dubitatio non suffertur, quæ est diametro (uel ipso Soto teste) cū certitudine pugnat. Maneant ergo uoces in sua propria significatione. Nam si sic illas uiolare licet pro uoluntate ac propria auctoritate, iam tollitur prorsus omnis liberalis & ingenua disputatio, & hoc pacto transit in contentionem ac pertinaciam.

Ad hæc illud argumentum in Theologo, qui proficitur se rem uniuersam tenere, & posse docere simul hæreticos & catholicos, quis nõ admiretur? Ait enim,

2. Cor. 1.

Quòd si quispiam suæ iustitiæ posset certior fieri, id maxime esset, quando nihil sibi conscius esset, non tamen est firmum argumentum cum ex negatione inferatur affirmatio, uidelicet, nullius sum conscius peccati, ergo sum iustus, &c. Quis hic non uideat uitiosum totum argumentum? & primò quidem in eo quod sumit tanquàm summum iustitiæ argumentum, nihil sibi conscius esse: cum ad hoc addi possint alia lōgè clariora iustitiæ signa, ut puta ingens patiētia, atq; extrema tolerantia propter Christū. Item alia egregia atque hæroica charitatis opera. Item testimonia, quæ affert spiritus fidei insincera sacramentorum susceptione. Quomodo ergo certitudo iustitiæ ex hoc maxime procedat, quòd homo nihil sibi sit conscius? Et tamen non puto hoc non esse firmum argumentum, modo quis fuerit animo simplex, & qui uereatur omnia opera sua, scrutator & explorator diligens conscientiae suæ iuxta regulas S. scripturæ: hunc enim nunquàm permetteret falli Deus. Vnde B. Paulus gloriam suam ponebat in testimonio conscientiae suæ, non reuelationis, sed conscientiae, unde & sinceritatem & simplicitatem sui cordis profitebatur. Denique quod ait, infirmum esse argumentum cum ex negatione inferatur affirmatio, uerè infirmum est. Nam constante subiecto, & in materia certa, efficaciter affirmatio à negatione inferatur, ut de certo homine Si non mortuus, ergo uiuus: Non ægrotus, ergo sanus, non peccator, ergo innocens: & huiusmodi.

Sed hætenus

Sed hæcenus dicta sufficiant, quantum pertinet ad
ueritatem quæstionis, & ut consideretur quomodo ma
gna ex parte conueniamus, & in quo incipit dissensio
aliqua, de qua nihil est in Decreto expressum. Nunc
nonnulla eius argumēta discutiam, ut ipsemet uideat,
& qui illas partes sectantur, quàm sint inefficacia.
Post illam, quam præmisit aduersus Lutheranos, di
sputationem, in catholicos se conuertens, primò se uel
le rationibus exordiri testatur, quarum primam à cõ
fessione Lutheranorum accipit, cò quòd ipsi aiunt me
diis operibus non posse eam haberi certitudinem quæ
est fidei catholicæ: cum quibus & ille cõsensit hac par
te, ut nos expugnet. Et nihilominus quæ concludit, di
cit nullum esse nobis excogitabile medium asserendi
certitudinem gratiæ, quod non recidat in opinionem
Lutheranorum, cuius contrarium contendebāt Catho
lici isti, aduersum quos disputamus, hæc ille. Quis hæc
benè sanus non admiretur? Ex opinione Lutheranoꝝ
accipit medium, tanquàm uerum, quo nos expugnet: et
nihilominus hinc ostendit nos conuenire cū illis in opi
nione, ut quod est manifeste illorum, faciat nostram, si
tamen hoc ualeat. Videamus ergo quid aiunt primò
Lutherani, ut intelligat omnis hō non proteruius, quā
conueniamus cum illis. Aiunt posse scire hominem suā
gratiam certitudine fidei catholicæ. Hoc uerò nullus
Catholicorum concedit. Item quid aiunt Lutherani? A
sola fide uenire hanc certitudinem. Et hoc nullus Ca
tholicus probat. Denique quid aiunt Lutherani? Nihil

conferre opera ad hanc certitudinem. Nos autem & in hoc contra illos asserimus, & tu etiam, mi Soto, pulchre disputans in eos, hoc tanquam sit contra communem sensum & animorum conceptionem, exhibilas. In quo igitur conuenimus cum illis, cum quam maxime in singulis articulis ad hanc questionem pertinentibus, inuicem dissentiamus? Illi igitur qui aduersus nos disputant, eis assentiuntur, non nos. Et uide, lector, rursum deceptionem illorum. Ipsi putant quod hæc certitudo, quam nos defendimus, semper colligatur argumento & nuda coniectura ab operibus, ut dicat homo: Ego nihil mihi conscius sum, Et, Video opera mea bona, Ergo sum in gratia. Et non attendunt quod hæc certitudo, de qua modo est sermo, uenit à testimonio spiritus intuitus sui præsentiam insinuantis cum Patre & Filio, & hoc mereri opera bona. Vnde dixit Dominus. Si quis diligit me (uidelicet operando per charitatem) diligitur à Patre meo, & ego diligam eum, & manifestabo, siue, insinuabo, ei me ipsum, ita ut sit meritum operum ista manifestatio, siue insinuatio, ut S. Doctores declarant. Nec est dubium quod aliqui possunt decipi in hoc, non quando spiritus ipse Dei testatur: sed quia possunt putare nonnulli hoc spiritum bonum sibi testari, cum non sit bonus, sed spiritus superbia, & presumptionis: & uidetur sibi esse certi, & non sunt mentientes sibi ipsis. Nec propterea sequitur quod nullus possit esse certus: quia cum attestatur spiritus, & uera est charitas, & uera sunt opera, insequitur spes uiua,

quæ non confundit. Quid est dicere, Non confundit
spes, nisi quod non frustratur? Et quare non confun-
dit? Dicat Apostolus, Quia charitas Dei diffusa est in
cordibus nostris per Spiritum sanctum. Exponat autē
hoc nobis D. Bernardus. Quare spes D. Bernarde,
non confundit? quia, inquis, charitas certitudinem in-
fundit. Quomodo certitudinem infundit charitas, nisi
quia spiritus contestatur cum spiritu nostro quod su-
mus sui, & cognoscimus eum, quia in nobis manet, ut
ait Dominus? Rom. 5.
Ioan. 14.

Aliud argumentū textit à ratione B. Thomæ: quo
in loco si quis capere potest quid ille tandē uelit, sum-
moperè admirabor. Primò ait Thomam hanc propriè
disputare quæstionem. Secundò ad eam respondere tri-
mestri conclusionem. Postremò uerò ait quod D. Tho-
mas ibi prætermisit hanc cōclusionem de certitudine
fidei, & adiecit rationem: quia nunquàm fuerat suspi-
catus ut posset quis unquàm id cogitare, quod reue-
latio fidei catholicæ se extenderet ad particularē sta-
tū huius uel illius hominis, Ita fecit nos socordes hic
homo. Adiecit, Sed neque dubitabat de euidētia sciē-
tiæ: nihil est enim euidētius quàm quod non potest
gratia Dei euidēter cognosci, &c. Ex quo etiā sequi-
tur, quod sicut B. Thomas prætermisit conclusionem
de certitudine fidei propter euidētiā rei, ita etiam
debeuit prætermittere certitudinem scientiæ, cum &
hoc ipso nihil sit euidētius, ut ait, & tamen subse-
quitur. Et ideo non quæsiuit nisi de certitudine scien-

tiæ, hoc est, cognitionis in genere, utrū tam certò quis posset iudicare se esse in gratia, quanta est certitudo scientiæ. Vbi cum determinat partem negatiuam, non solum concludit quòd nō potest esse euidentia (de hac enim non erat quæstio) sed quòd nulla potest esse certitudo, cui non possit subesse falsum, unde maiori ratione consequitur, non posse haberi certitudinem fidei catholicæ, quæ maior est certitudine scientiæ: hæc ille. Quis (obsecro) hoc loco, si uenari uelit quid iste sentiat, non insaniat? quem si dignè tractare uelim, & me magno fastidio, & lectorem tædio nimio proculdubiò afficerem. Remitto igitur rem omnē ad illum, ut pacato animo uideat utrum reuera se intelligat, & post agnitas tot perplexitates, suam istam finalem rationem bene recogitet quàm sit uera, uidelicet, ex eo qd B. Thomas concludit non posse esse euidentiam huius rei, neque certitudinem scientiæ, hinc maiori ratione consequi, nec haberi posse certitudinem fidei catholicæ. Quis adeò unquàm insaniuit, ut à negatione certitudinis euidentiae ac scientiæ, inferat etiam certitudinis fidei negationem? cum eorum propriè sit fidei certitudo, quorum nec euidentia sit, nec scientia.

Mitto etiam illam hominis inconsiderationem perpetuam: quia facit maiorē certitudinem fidei ipsa scientiæ certitudine, nō distinguēs (sicut docet B. Thomas) inter certitudinem secundum se, & certitudinem quo ad nos. Neq; considerans quòd eorum quæ uidentur, 1. Cor. 11 non est fides, quia per fidem cognoscimus ex parte, &

ideo est cognitio imperfecta, & argumentum quorum Hebr. 11.
dam non apparentium.

Mitto tertium argumentum satis excussum supra,
& similiter quintum, & sextum. Circa quartum (quod
manifestè inefficax est) unum tantum notabo, uidelicet,
quòd gratiam signatam cuiuscunq;, etiam non perse=
ueraturi, & sic non prædestinati, dicit esse effectum
prædestinationis. Vtrum autem hoc manifestam impli=
cet contradictionem, ipse uiderit. Nemo enim est, cui
indicauerim, qui hoc nō cēseat & admiretur in Soto.

In septimo argumento, ubi aut leuem aut hæreti=
cum facit contradicentem, ipse certè non leuiter pec=
cat: Tum quia concludit contra certitudinem fidei ca=
tholicæ, quā nullus defendit, Tum uerò quia non per=
pendit hanc certitudinem fidei catholicæ, quo ad nos,
minorem esse, quàm eorum quæ in nobis inesse, & à
nobis prodire experimur.

In octauo autem argumento (quod & sæpissime ia=
etat) puto etiam illum grauius labi: quia uult homi=
nem non posse ita puram & exploratā habere sui cō=
scientiam, ut ualeat (etiam si legitimè suum cor explo=
ret) certam inde accipere persuasionem suæ innocen=
tiæ, quantum attinet ad notitiam gratiæ: quod est con=
tra uerbum Apostolorū Pauli, & Ioannis. Paulus ait.
Gloria nostra hæc est tistimonium conscientiae nostræ, 2. Cor. 1,
quòd in simplicitate cordis, & sinceritate Dei conuer=
sati sumus in hoc mundo. Ex his uerbis manifestè con=
scientiæ testimonium prædicatur, unde præsumi satis

17.7. potest de gratia Dei: clara sunt uerba. Nam quæ gloria esset à testimonio, quod suspectum esse posset de ueritate? Mitto interpretationes ueterum ad illum locū, quæ proculdubio nobis foeliciter astipulātur. Quid dicemus ad B. Ioannem qui ait. Si non reprehenderit nos cor nostrum, fiduciam habemus à Deo, et quicquid petierimus, accipiemus ab eo: quia mandata eius custodimus, & ea quæ placita sunt coram eo, facimus. Quid iis uerbis potentius, ad intelligendum quòd si cor nostrum non reprehendat nos, tuti sumus? Nam hinc cōsequi B. Ioānes ait quòd custodimus mandata Dei, & hinc quòd orantes exaudimur; quæ profectò sic asserti non poterant, nisi certa ueritas à conscientia erui posset. Verum hac de re fusiùs ac longè potentius scribo in tractatu nostrarū assertionum circa hāc quæstionē.

Hier. 17. Sed obiicit nobis primum scripturā dicentem. Præuuum est cor hominis & inscrutabile, & quis cognoscet illud? Ego Dominus &c. Cui nos ex aduerso proponimus Apostolum. Si enim uerum est non posse cognoscere hominē quæ sunt interiora cordis sui, quæ frōte diceret Apostolus. Quis. n. nouit quæ sunt hominis, nisi spiritus hominis qui in ipso est? Ecce quòd simpliciter spiritus noster dicitur scire quæ sunt in corde nostro, & latent alios: & quo ad alios, cor nostrum dicitur inscrutabile, ut expositores declarant. Præuuum autem est cor nostrū secundum naturā suam, non secundum gratiam, quando est purificatum fide & ignitum charitate.

Rursum obiicit Gregorium, & Bernardum, qui ui-
 dentur negare posse hominem plenè ac perfectè nosse
 cor suum. Sed multò aliud est dicere plenè ac perfe-
 ctè, aliud uerò quantum sat est ad exculpendum noti-
 tiam criminis inexistentis. Hactenus enim licet nos ex-
 plorare, & permittitur nobis iudiciū: imò etiam mā-
 datur. Nam si nos metipsos iudicaremus, ait Aposto-
 lus, non utiq; iudicaremur. Quomodo autem iudicabit
 quis, quæ non ualeat cognoscere? Quamobrem ipsimet
 Gregorius & Bernardus, quando aiunt, neminem posse
 se ad plenū discutere propter illa Pauli uerba, Nihil
 mihi conscius sum, sed non in hoc iustificatus sum, seip-
 sos declarant. Ait enim Bernardus Apostolum illud di-
 xisse non propter hæitationem inexistentium crimi-
 num, sed propter legem fomitis in eo manentem; uer-
 ba Bernardi hæc sunt. Hac ergo Paulus sciebat se una
 lege teneri, quam carni suæ immobiliter insitam tole-
 rabat inuitus. De cætero, inquit, nihil mihi cōscius sum.
 Verū quis similis Paulo? qui uidelicet interdum huic
 non consentiat ad obediendū peccato? hæc ille. B. Gre-
 gorius, si rectè perpenditur, in lib. Mor. 5. cap. 23. re-
 fert illud dictum Pauli ad considerationem stricti iu-
 dicii Dei, quod nullus sanctorum posset sustinere, &
 sic coram illo nemo iustificatur. Quòd si legē in Chri-
 sto, quæ est gratia & misericordia, consideremus, se-
 curi & intrepidi ad iudicium ueniunt, qui rectè se di-
 scutientes, nihil sibi sunt conscij. Vnde Dominus, Qui
 bene agit uenit ad lucem ut manifestentur opera eius.

1. Cor. 11.

1. Cor. 4.

Ioan. 3.

quia in Deo sunt facta. Verum de hoc latius in tractatu nostro.

Eccl. 9. Venio ad scripturas, per quas ipse ait contra gratiæ possibilem, certitudinem probari. Primum locum producit illum uulgarem. Nescit homo utrum amore an odio dignus sit: uolens quod Salomon ibi de notitia fidei loquatur. Et audet dicere quod omnes sancti semper in hoc sensu locum illum citant. Hic uero ego breuiter respondebo, Primum multos sanctos hunc locum multò aliter intelligere. B. enim Bernardus nunquā hunc locum, nisi ad prædestinationem & reprobationem finalem, aptauit. Vidit enim alioqui ex ui uerborum falsam esse sententiam illam uniuersaliter, Nescit homo &c. quia contradictoria illius uera est. Quod miror huic uiro non fecisse negotium, & nescio qua tergiuersatione uitasse. Quod autem de prædestinatione possit intelligi locus ille, uel ipse Soto fatetur maiore probabilitate asseri. Et certè hunc sensum uiderunt etiam antiquiores, nec ullus reprehendere ausus est. Videat qui uelit Hugonem Card. Io. Gerson de myst. Theologia, item Dionysium Carthusianum. Est tamen B. Hieronymi alius sensus, qui non priorem aufert, sed addit, quod Salomon negat huius diuini amoris uel odij, haberi posse notitiam ex ijs quæ hominibus accidunt, fortuna & infortunia: cum hæc communia sint bonis & malis, sicut ipsa uerba statim declarant. Videat hic si uult Caietanum, qui in sua expositione ad illum locum ab hoc sensu non deuiat. Et Deo gratia

gratia est, quòd in ipsa disputatione dum hæc questio
à Theologis & in Synodo tractaretur, uix fuit unus
aut alter qui non tandem ueritatis potentia confitere-
tur, hunc locum minime ad rem pertinere. Et hodie
qui magis uidentur scrutari scripturas, in eo sensu
quiescunt. Vnde & doctor Parisiensis D. Claudius Guil-
laudus, super epistola ad Timotheum secunda ca. ul-
timo, manifestè illum sensum probat quem adduximus
secundum D. Hieronymum, & ipsum citat. Quinimò
iure etiam reprobatur istum quem mordicus isti tenent,
& certitudinem gratiæ nobiscum concludit à testimo-
nio Apostoli. Videat illum Soto, si placet. Nos igitur
hoc obtinere uolumus iure nostro, quòd cum locus ille
alios sensus habeat qui non reprehenduntur, non po-
test unus statui ac determinari, nisi per alia certiora
loca sacræ scripturæ probetur, ut docet B. Aug. in lib.
de doct. Christ. Hoc autem quantò magis uerum erit,
cum ille sensus illicetur, & contenditur esse uerus, quæ
nec uerba ferunt, nec ratio patitur, & contra scriptu-
ras euidentes etiam euidenter militat?

illicitur

Piget tractare alia loca, quæ hic Magister affert
aduersus hanc certitudinem. Primum illud ex Iob. Si
uenerit ad me, non uidebo eum; Si abierit, non intelli-
gam. Et illud, Etiam si simplex fuero, hoc ipsum igno-
rabit anima mea. Et aliud, Verebar omnia opera mea,
sciens quod non parceres delinquenti. Verè dixi, & det-
me ista persequi, cū uideatur hic magister omninò igno-
rare quæ sunt à nobis producta aduersus hæc. Primum

Iob. 9,

ridiculum est ex eo quòd si ad nos ueniat Deus, et nos
 non uideamus eum; & si recedit, non intelligamus, ex=
 cludere notitiam fidei, cum (ut inducit B. Thomas) illè
 textus loquatur de notitia euidentiae: Alioqui nonne
 homo fidelis cognoscit ex fide, quòd peccando dominus
 recedit à se? Quomodo ergo diceret; Si recesserit non
 intelligam? Nunquid Petrus negando non intellexit à
 se dominum recisisse? & cum rursum respexit et fecit
 eum flere amare, non cognouit iterum ad se uenisse, ut
 ausus fuerit ter rogatus de sua dilectione, ter etiam
 respondere & constanter confiteri illam coram Domi=
 no? Illud uerò quòd affert ex Iob, quòd uerebatur om=
 nia opera sua, & ex eo uult extorquere incertitudinē
 gratiae: mihi adeò id non probat, ut oppositum potius
 inde deducatur. Qui enim sentit se uereri omnia ope=
 ra sua ne Deum offendat (ut par est primum credere
 de B. Iob) illè sentit in se gratiam Dei adesse, cum sit
 hoc proprium iusti, uereri cuncta opera sua, & ut ait
 ibi rectè B. Gregorius. Hic timor, si perseueret, non
 solum certitudinē præsens gratiae affert, uerum etiā
 perseuerantiæ: quod & uerum est. Vnde scriptum est,
 Qui timent Deum prae parabunt corda sua, & sanctifi=
 cabunt animas suas, custodient mandata illius, & pa=
 tientiam habebunt usque ad inspectionem illius. Ita me=
 docet scriptura. Illud uerò, Etiā si simplex fuero &c.
 Si germanum ex B. Gregorio sensum probare uolue=
 rit, quem nos produximus, cōtra se omninò stare per=
 spiciet. Hæc enim est ibi B. Gregorij expositio ad lite=

ram. Plerunque (inquit) si scimus bona quæ agimus, ad
elationē ducimur: si nescimus, minime seruamus. Quis
enim de uirtutis suæ conscientia non quantuluncunq;
superbiat? Aut quis rursum bonū in se custodiat, quod
ignorat? Sed contra utraq; quid superest, nisi ut recta
quæ agimus, sciendo nesciamus? Vt hæc & recta aesti-
memus & minima, quatenus & ad custodiam sensifi-
cet animum scientia rectitudinis, & in timorem nō ele-
uet aestimatio minorationis. hæc B. Gregorius. Ecce
quā pulchrè, quā eleganter exprimit mentē B. Iob,
ut inde accipiamus quod non ignorabat Iob simplicita-
tem suam, & ignorantiam, quā alibi passim prædicat,
sed sciens illam, coram Deo nolebat scire, hoc est, nole-
bat temerarius iactare, aut quasi suam obijcere illam
in Deum illius autorem. Hic est proprius et egregius
illius loci sensus: Qui sic acceptus, tantū abest ut id pro-
bet, ad quod probandum affertur, ut è diametro oppo-
situm colligatur. Et ad hunc intellectum aptata sunt
scholia in Biblijs in loco illo. Cur igitur ista præter-
mittit Soto, & in alijs uagatur quæ eneruia sunt?

Quod uerò ex Apostolo affert, Nihil mihi cōsci-
sum, sed non in hoc iustificatus sum: quem præcipuum
locū esse asserit pro sua opinione, Quæro ab illo, utrū
per ea uerba intelligat quod Paulus dubitaret de gra-
tia suâ? Si hoc asserit, contradicet B. Ambrosio, Augu-
stino & multis S. Patribus, Imò & ipsimet Apostolo,
qui in omni epistola de sua non solum gratia, sed eminē-
ti gratia contestatus est: & in ipsamet epistola, sicut

2
innocentiam

collegi in opere proprio. Vnde hanc opinionem non solum existimo falsam, uerum etiam periculosam & contumeliosam in tantum Apostolum. Vidit forte hoc Soto, sed subterfugiens dixit, Quod hæc uerba nihilominus probant quod ipsi uolunt: quia etsi Paulus certus erat suæ gratiæ, hanc certitudinem se non habere à propria conscientia uoluit ibi significare, dicens. Sed non in hoc iustificatus sum. Verum hoc à Soto dicitur, non autem à Patribus, non ab ipso Apostolo: quoniam gloriam suam in testimonio conscientiae suæ ponit, non in reuelatione. Vnde B. Ambro. ea uerba, Nihil mihi conscius sum &c. sic exponit. Apertum est quia conscientiam puram habens, de se sollicitus non erat: non dixit quia reuelationem habens, sed conscientiam puram, quæ quæ nimirum in se noscebat. D. etiam Aug. quod & registratum est in Decreto de consecr. hunc locum tractans sic ait, Quomodo dubitaret Paulus se peccare, qui sciebat spiritum Dei se habere, & intentione mundissima ei seruire? Quare quod adiecit, Sed non in hoc iustificatus sum, ad perfectam iustificationem ambo uidentur referre, quæ nullam penitus admittat culpam. D. Chry. ex superioribus uerbis, Nihil mihi conscius sum, accipit Apostolum testatum de se fuisse, quod nihil peccarat. Et reuera sic est: quæ inde non esset iustificatus, uidelicet à proprio iudicio conscientiae, & si uerum esset, quia iudex qui uerè iustificat, Deus est: fidebat tamen semper in conscientia sua & in operibus bonis. Nam & quum coronam expectat, non reuelatione inuititur,

sed in factis & operibus, aiens. Bonum certamen cer- 2. Thi. 4.
 tauui, cursum consummaui, fidē seruauī; Denique ubiq;
 & passim in omni laude & prædicatione sua de se, cō
 scientiam & opera bona euidentissimē producit, &
 reuelationes reijcit. Gloriabatur quòd nō erat sibi cha Act. 20.
 ra anima sua, sed Christo: propter quē omnia detrimē
 tum & stercus arbitrabatur: & quòd non iam uiue= Phil. 3.
 bat ipse, sed Christus in eo: & asseuerabat se paratū
 omni hora mori pro illo. Vnde & non in uacuum se 1. Cor. 9.
 currere, neq; in incertum pugnare prædicabat homo
 qui stigmata Iesu Christi gestabat in corpore suo: &
 adimplebat ea, quæ deerant passionum Christi in car Gal. 6.
 ne sua pro ecclesia. Sed ò me miserum qui cogor hæc Collo. 1.
 adeò manifesta reuoluere. Sed non patiar ultra, ut cū
 ista penitus quæ hic Magister (ut mihi uidetur) non
 exactē tractauit, sæpe paralogizans & offendens, ad
 examen adducam.

Illud quod habetur in Psalmo. Delicta quis intelli-
 git? &c. si D. Hiero. & Aug. interpretatio recipitur,
 quæ una est, ad propositum nihil facit. Ambo enim
 s. Doctores referunt locum illum ad eos, qui obuol-
 uuntur delictis et criminibus, qui sunt in tenebris, un-
 de nequeant intelligere ipsa delicta. Alij multi, ut B.
 Bernar. in Cant. exponit de delictis uenialibus, quæ à
 concupiscentia inherente proficiuntur, per quæ non
 amittitur gratia, & oratione facillè dimittuntur. Vn-
 de & eruditi in linguis, non delicta, Sed errores &
 ignorantias, iuxta Hebraicam ueritatem, uerterunt.

Ex abundanti atem dico, etiam si de criminibus intelligatur locus ille, non ex hoc tamen recte infertur ignoratio gratiæ, nisi simul probaretur, peccata quæ ignorantur, & (ut isti uolunt) sciri non possunt, nec etiam posse dimitti contritione & sacramentis, in operibus bonis ex charitate patratis.

Nolo hic ignorare lectorem quòd cum Lutherus diceret neminem esse à sacerdote interrogandum de sua contritione, eò quòd nemo potest cognoscere delicta sua, ut psalmus iste testatur. Delicta quis intelligit? Reuerendiss. Episcopus Rossensis, quæ semper cū ueneratione nominabo, ad illum his uerbis respondet. Ignoratio peccatorum nihil obstat, quò minus quisquā uerè conteri possit, nisi uelis cauillū ex uocabulo quærere. Neq; enim dubito quin Maria Magdalena uerè contrita fuerat, quam si Christus interrogasset an uerè fuisset contrita, potuit respondisse, uerè se cōtritam esse de peccatis. Nec tamen est credibile quòd singula peccata, quæ prius tot suis uanitatibus admisit, integrè uenerint in eius memoriam. Sed omittamus hanc quæ singulare pœnitudinis exemplum fuerat, de communibus loquamur peccatoribus, Num aliquot ex his opinaris ad sacramentum absolutionis accedere cū uero dolore? Num adeò stupidos arbitraris, ut non sentiant an uerè & non fictè doleant? quòd si conscientia fuerit eis iudex quòd uerè doleant, cur, te quæso, respondere non licet se uerè dolere? Quid huic rei peccatorum obsistit ignoratio, cum pro cūctis dolere possint.

tam ignoratis quàm cognitis? Nam qui damni perpen-
dit immensitatem, quam ex peccato conquisiuit, is o-
diat facile peccatum, et detestabitur tam in alijs quàm
in se ipso, neq; minus id quod occultum est, quàm quod
est agnitum. Hæc ille, ut agnoscant qui argumentatur,
ut concludant ab ignoratione peccatorum incertitu-
dinem gratiæ, se hac parte cum Luthero conuenire,
& habere uirum sanctum & in ecclesia gloriosum,
pro ueritate respondentem, & planè confirmantem
quæ superius dixi. Itaque hic locus dignus certè erat
ut prætermitteretur à Soto.

Mitto igitur alia quædam quæ de scripturis adie-
cit hic Magister: quoniam nimis longum esset, nec ope-
raprecium, & tamen alio tractatui seruantur. De Pa-
trum autem sententijs, quas adducit, quid dicam? nō-
ne indignum est ac miserum aliquid ex eis recitare?
Obsacro non indignetur, sed meminerit se in nos, hoc
est, in Catholicos etiā acerbiora iactasse, & ipse qui
dem immeritò, nos autem ex ueritate: quia uerè sic
est. Adducit enim primo Gregoriū & Hieronymum.
Quia enim illi negant homini in hac uita securitatem,
inde ipse colligit ignorantiam gratiæ, tanquàm qui
sciuerit gratiam suam continuò sit securus, & nihil ei
sit metuendum. Addit & Augustinum qui ait, Quan-
talibet iustitia præditus sit homo, timere debet ne ali-
quid occultum lateat. Quis hoc negat? Dicet, Si sciret
se esse in gratia, non timeret ne quid lateat; sciret enim
nihil latere, Imò ex hoc ipso nouit homo iustus non la

tere quod occidit & perdit, cum id ne lateat metuit. Nam (ut dixi) iustorum proprium est hoc, & quanto magis iusti sunt, tanto magis hoc metuunt, & nihilominus tanto magis norunt gratiam suam: quia sicut est assiduus iste timor sanctus & pius, ita est assidua consolatio ac certificatio spiritus: quanquam et latere possunt affectiones aliquæ in homine, quæ tamen non auferunt gratiam, & has non negligere, etiam quamuis iusti monentur. Iterum affert August. his uerbis. Sicut si bi quisq; nemo alter alteri notus est, & tamē nec sibi quisque ita notus, ut sit de sua crastina conuersatione securus. Haftenus locus iste non solum contra nos non facit, sed aduersus illos facit, qui nolunt hominem innotescere posse sibi ipsi. Augustinus autem ait, Sicut sibi quisque notus est. Vidit soto quod haftenus non erat iste locus aduersum nos, qui non negamus incertitudinem futuri diei, sed quod staret pro nobis: si uidit cur tacet? Subdidit autem. Hoc ad incertitudinē perseverantiæ refertur. Sequitur autem. Proinde quamuis ex fructibus suis multi cognoscantur, tamen propter humanorum animorum ignota & incerta, rectissime Apostolus admonet, ut nō ante tempus iudicemus. Ecce corda incerta, hæc Soto. Quis non miretur? Quis non uideat quod B. Aug. loquebatur ibi expresse de incertitudine cordium alienorum? quia prohibet iudiciū de altero: quia alter alteri non est notus, sicut quisque sibi. Vnde B. Paul. discussionis iudicium imperat homini in seipsum: aiens. Si nosmetipsos dijudicaremus nō utiq;

1. Cor. 11.

1. Cor. 11.

utique dijudicaremur.

Cetera quæ de Patribus adducit, huius generis sunt. Producit enim Bernardum trahens illum inuitum ad certitudinem præsentis gratiæ, eò quod certitudinē gloriæ, & prædestinationis omnino negat. De aduentu uerò Spiritus sancti, quem idem Bernardus ait periculosissime ignorari, & in multis locis dicit esse certissimum, & certo deprehendi, uix ullum uerbum: nisi quod extenuans significationem uocum, de certo incertum facit. In qua re (cum pace sua) eius auctoritatem non suscipimus. Volo tamen interim ipsius D. Bern. uerba, ut ab hoc Magistro sunt citata, proferre. Idem argumentum, inquit, tractat Bern. in Cant. Serm. 74. ubi in seipso depingit sensus intrantis sponsi & excurrentis, tandem concludens hæc uerba. Ex renouatione ac reformatione interioris hominis mei percepi utcumque speciem decoris eius, Nota, utcumque; hæc Soto. Non puto autem uoluisse illum decipere nos, cum ait, Notas utcumque; sed ipsum potius deceptum, uoluisse nos intelligere per illud uerbum, utcumque percepi, quod Bernardus uoluerit significare quod illa perceptio non constituebat ei certitudinem rei perceptæ, hoc est, nesciebat certo se percipere quod sibi uidebatur percipere. At hic sensus manifeste falsus est, & fallax, & contra perpetuum ipsius B. Bern. sermonem, qui asserendo rem narrat, non dubitando. Dicit ergo percepi utcumque speciem decoris eius, in hunc sensum, quod non uidit Dominum suum & decorē eius uisione aperta

Cant. 17.

ta, sed utcunque, ita, ut non relinquat incertū an per-
ceperit ipsum Dominum, sed ut significet quod in eo
excessu non uidit gloriam eius perfecta uisione: & al-
lusit ad psalmum ubi legitur de manifesta uisione Dei
nostri. A solis ortu usque ad occasum ex Sion species
decoris eius. Nescio uerò an caute omiserit Soto pul-
chram illam enarrationem D. Bern. quando experi-
mento certo sentiebat in corde suo sponsi aduentum,
nihil dubitans an eēt ille, à certissimis eius effectibus,
qui à Damone esse non possunt. Hic ergo admoneo le-
ctorem, ut uideat & confiteatur mecū, illum ea de re
citra ullam dubitationem asseruisse, pudenter tamen
& in insipientia sancta & apostolica.

Quod autem ad ea quæ attulimus in sententia no-
stra pro certitudine gratiæ ex Amb. Aug. Hier. Gre-
go. Chrisos. Bern. & alijs Patribus, nihil hic Magister
responderit, non putaboid ab eo factum quia contem-
pserit, sed quia ignorauit. Verum quoniam digna mi-
hi uisa sunt, quæ nec despiciantur, nec ignorentur, post
nonnulla quæ hactenus adduximus, etiā illa in calce opu-
sculi subnectam, si quo modo conciliationem nobis, &
cōcordiā in hac quæstione, parare possint cū cōtendēte.

Interim uenio ad scholasticos doctores, quos pro
suis partibus adducit. Ait enim præter unum Ioannē
Bachonē Carmelitā, neminem esse qui non teneat opi-
nionem suam. Ego uerò in primis noluissem hunc do-
ctorem ab hoc homine sic traductum, tanquā ille do-
ctor ullibi dixerit, quod homo possit esse certus de sua

gratia certitudine fidei catholicae. Quod nunquam dixit: neque etiam dixit quod tanta sit certitudo in hoc, quanta est fidei catholicae certitudo. Hoc non dixit doctor ille, sed bene ac uerè dixit (meo quidem iudicio) quod esse potest certitudo quae sequitur fidem. Nam posito eo certo quod sumitur in minore quauis certitudine, saltem experimenti, uidelicet quod dolemus de peccato, quod animū & propositum habemus inchoare uitam nouam, quod sumus contriti corde, sequitur conclusio de gratia certò adueniente, aut etiam inexistente, quae ab ipsa maiore procedit, quae est ex fide. Et ideo dixit eleganter quod hæc conclusio certitudinis sequitur fidem. Non est enim dubium, Si maior sit certa, & similiter minor certa, quod conclusio etiam quae ex ambabus certis cōflatur, sequitur certa. Quod si quis querat: Hæc certitudo quae est conclusionis, & sequitur ex ambabus, est'ne fidei certitudo quae est in maiore, an potius eius generis certitudo quae in minore est? Respondet Ioā. Bach. quod est certitudo quae sequitur fidem, Et nō dicit quod sit illamet certitudo cōclusionis quae est maioris, sed quod ab illa descēdit hæc. Non debuit ergo torqueri doctoris dictum, & imponi lectori, qui eiusmodi ignorat. Quod autem Soto ipse rationes Bachonis non soluat, mihi reuera non est dubium. Non placet etiam quod Alexandrū de Ales pro se adducit, cum pro nobis ille testetur.

Verum est autem quod ait Soto, q. cognitione speculatiua, & certa scientia, non potest sciri a sistentia gra-

Sup. 2. Sē.
q. 71. ar. 2

tiæ: hoc priore questione tractat Alexander, & concludit. At de certitudine ab experimento, oppositum concludit expressis uerbis, nempe his. Cōcedendum est quòd per scientiam experimentalem possumus scire nos habere gratiam. Quæ autem sint illa experimenta, quibus homo potest scire se habere gratiam, habemus in illo psalmo, Cum inuocarem, Vbi fit questio. Multi dicunt, quis ostendit nobis bona? idest, homines quærent a fidelibus, unde certi sint quòd sint accepti Deo ex bonis quæ faciunt. Et Propheta respondendo colligit tria ex quibus colligitur experimentum, per quod sciunt quòd sunt accepti Deo, & quòd habent gratiam. Primum est. Signatum est super nos lumen uultus tui Domine. Secundum, Dedisti lætitiā in corde meo. Tertium, In pace in idipsum dormiam & requiescam. hæc sunt tria ex quibus colligitur experimentum, per quod anima sancta experimentaliter cognoscit se habere gratiā, s. lumen, lætitiā, & pax. Lumen apud uim rationalem. Pax est apud irascibilem: lætitiā apud cōcupiscibilem. Quādo enim ista tria sunt in anima sancta, secundum illas tres uires, uerè certum est experimentum quòd anima habeat gratiam. Et bene dico: uerè: quia per hoc differt anima sancta ab hæretica. Vnde nunquā habet uerum lumen in rationali, nec ueram pacem in irascibili, sicut habet anima christiana perfecta, quæ habet lumen ueritatis radiantis super uim rationalem, in quo mirabiliter delectatur ratio. hæc ille, & alia ad rem propositam spectan

tia, ex quibus facile quorundam argumentantium ca-
uilli soluuntur. Manifeste enim uult notitia experimē-
ti, quæ certitudinem facit, hominem scire posse suam si-
bi inhaerentem gratiam. Hæc autem certitudo experi-
menti proculdubio esse non potest, nisi ab interiori fi-
dei lumine, quo illustramur, & probamus in corde no-
stro uera esse ea quæ dicunt scripturæ, uidelicet, illud
lumen, illam lætitiā, illam pacem, nō posse dari à mū-
do, sed esse Spiritus sancti fructus habitantis in cordi-
bus fidelium. Nec obstat quòd dicat ille in superiore
quæstione experimentū esse fallax. Est enim uerè fal-
lex experimentum, sed male probantibus, non autem
ijs qui bene probauerint, ut ipsemet docet: quoniā lon-
gè alia est pax Dei, alia pax mundi, aut Diaboli: illa
implet cor uero gaudio non phantastico & falso, non
autem ista. Est & humana ratio fallax, non tamen cū
recte deputat. Et hæc de Alexandro.

De Scoto, relinquo illi bellū cum Scotistis, quorum
plurimi sunt qui aliter de opinione Scoti tenēt, nec mi-
rum si forte ille non constiterit sibi ipsi. Quoniam ue-
rò iam lassus sum, mittam redarguere plurimas hu-
ius Magistri positiones, tanquā dignitates, inconside-
ratæ, credo, ab eo ploratas. V. g. Sumit hoc tanquā di-
gnitatem. Ad ea quæ naturalia sunt, nemo obligatur.
Quis primo auditu ad hoc dictum non obstupescat, cū
ad omnia quæ sunt legis naturalis, ac per hoc natura-
lia sunt, homo obligetur? Scio quòd aliud uoluit ibi di-
cere quā quòd dixit. uerum illud erat significandum

uerbis, non oppositum: quanquā nec illud quod uoluit dicere, puto esse uerum. Ipse cogitet & uidebit.

Illud omnino falsum & periculosum quod ait. Qui nimio hæretici omnes suorum errorum, quos catholicos existimant, tantam habent certitudinem, quā nos articulorum fidei. Quanquā enim loquatur de certitudine quæ est ex parte subiecti, attamen nec uerum est dictum, nec quouis modo probabile. Cū enim ipsemet hanc suam certitudinem ex parte subiecti sic definiat, quod est firmitas assensus illius rei quam quis sibi persuadet omni depulsa dubietate propter apparentem ueritatem, Paradoxum absurdissimum est tātum dare apparenti ueritati ad firmandū assensum, quantū habet ipsamet uera ueritas, quæ non minus, imò multo magis appareat, uera existens. Impossibile est enim (cæteris paribus) ut tātū assensum faciat falsitas sub specie ueritatis, quantum ipsamet bene cognita ueritas de facie sua; hæc. n. τληροφορίαν operatur in corde, non illa.

Sunt & alia mirè perplexa. Negat enim sæpe certitudinem gratiæ, & tamen concedit fiduciā sine hæsitatione, quam conflare ex fide & operibus bonis fatetur. Quis autem fiduciam firmam habere potest dubitans de sua gratia? Circa sacramentum autem baptismi & notitiam hominis, quam potest habere de se ipso, ita sæpe hæret, ita torquetur, ut clarè uideat lector magno negotio uerè hominem laborasse hac parte, in eo tamen uehementer peccasse, quod hominem iam non permittunt esse hominem, sed quasi truncum

7
Et lapidem faciunt, ita uolunt ipsum omnino suarum
cogitationum, & motuum cordis esse ignarum.

Iam de Martyribus, quod ipse uult omnes Marty-
res speciales habuisse reuelationes suae inexistentis gra-
tiae, & non ex spiritu & ardore, quem sentiebant
in cordibus suis, & fortitudine plena gaudij sancti &
coelestis, eam potius notitiam accepisse, credo longe eū
falli. Et quod comparat Martyrem haeticum Mar-
tyri uero, quātum ad plenitudinem cordis & effectus
charitatis, quos ipse putat posse naturaliter, aut alia
uia prouenire posse: & falsum & periculosum ualde
existimo, utpote contra scripturas & sanctos Patres.
Quo circa fraternè uirū de hoc admonco, quia nimium
tribuit naturae. nam & huius rei tractatum alij libro
reseruo. Nūc aliquas Patrū sentētias, ut sum pollicitus,
subnectā pro certitudine illa gratiae quā defendimus.

B. Ambrosius in serm. 2. de fermento, ubi de Chri-
sto loquitur, quē fermentum appellat, sic ait. Quisquis
illi fermento adhæserit, efficitur & ipse fermentum,
tam sibi utilis, quā idoneus uniuerſis, & de sua cer-
tus salute, & de aliorum acquisitione securus. hæc ille,
Vſus est autem uerbo, salutis, pro uerbo gratiae, sicut
B. Paul. est. n. gratia salus in spe, & à peccatis: unde
Dominus Zacheo. Hodie salus huic domui facta est, Luc. 19.
Nec uideatur cuiquā durum hoc, quod quisquis Chri-
sto adhæreat, sit etiā conscius suae gratiae. Multū quip-
pe significat hære Chriſto, & effici fermentum: id. n.
est perfectorum, qui Chriſtū foeliciter imitantes, unū

Math. 1.

quodam modo efficiuntur cum illo: sicut illi qui habēt semen iactum in corde suo, quasi in terra bona & optima, quæ refert fructum in patientia; & non sicut illi qui habent cor quasi terram petrosam, in qua semen iactum, est temporale: quia ad tempus credunt, & in tempore tentationis recedunt. Aut sicut illi qui in spinis diuitiarum & curarum mundi uersantes, nequeunt uim seminis intelligere in semetipsis: quia semē ipsum à spinis obruitur, et quodammodo suffocatur. Ecce igitur uir iste sanctus quā disertē ponat hominem Christi fermento hærentem suæ certum esse salutis; Certum, inquit, ergo absq; dubitatione cōstituit. Idem quoq; de iustis qui bene operati sunt in hac uita, et excedūt hinc ciam lætitiā sic ait. Videmus in sæculo innocentes lætos ad iudiciū festinare, odisse moras, celeritatem affectare iudicij. Beatus itaq; ille qui illud cæleste iudiciū lætus expectat. Scit enim sibi regnum cœlorum, Angelorum consortium, coronam quoq; bonorum repositā esse meritorum. hæc ille, Quid adhuc quærimus? Scit, inquit, non opinatur: sed scit regnum cœlorum esse sibi repositum. Scire autem notitiā non qualemcunque, sed certā importat: hanc aut notitiā nos defendimus.

Sup. Psal.

118.

B. quoq; Aug. hoc nunquā habuit dubium, sed si cut uult quod homo ualeat certō scire de fide sua, ita & de charitate ac dilectione sua, unde dixit. Fidem ipsam quisq; uidet in corde suo esse si credit, uel nō esse, si non credit. Nec oportet restringere hoc dictum ad fidem informem: quoniam & scripturæ sanctæ, & ue-

teres

terēs Patrēs de fide loquentes , absolute de fide uiua
semper intelligunt . Quin & ipse Beatus Pater non
minus hoc de dilectione affirmat , aiens . Qui diligit
fratrem , magis nouit dilectionem qua diligit , quam
fratrem quem diligit . Nec est uerum quod ait Soto ,
hunc locū omnes doctores interpretari de actu cha-
ritatis , quantum ad substantiam solummodo . Sed ut
apertius hoc ipsum ex Augustino probemus , lector
attende . Tractans doctor ille sanctus illud Psalmi
149 . Exultabunt sancti in gloria , lætabuntur in cu-
bilibus suis , sic exponit . Quid est in cubilibus suis ? in
cordibus suis . Audi Apostolum Paulum exultantem
in cubili suo . Nam gloria nostra hæc est , testimonium
conscientiæ nostræ . Rursum timendum est , ne quis-
quam apud se ipsum fiat sibi placens , & quasi de cō-
scientia sua superbus gloriatur . Debet enim quisq;
cum tremore exultare : quia donum Dei est unde
exultat , non meritum sum . Etenim sunt multi sibi
placentes , & iustos se esse arbitantes : & procedit
aduersus illos alia pagina dicens . Quis gloriabitur
castum se habere cor ? Aut quis gloriabitur mundum
se esse à peccato ? Est ergo quidam modus gloriandi
in conscientia , ut noueris fidem tuam esse sinceram ,
ut noueris spem tuam esse certam , noueris charita-
tem tuam esse sine simulatione . hæc ille , Ecce quā
clare , & quā perspicuis uerbis posse à nobis cogno-
sci fidem sinceram , spem certam , & charitatem non
fictam , testatur . Quid hic dici aut fingi potest (si ue-

ritatem amamus)quo nobis tanta ueritas auferatur?
Quòd si hoc non sit satis, audiamus & illum super
Ioan. cap. 14. Ipse enim mouet sibi questionem, quo=
modo discipulis promitteretur aduentus Spiritus san=
cti, quasi tunc non haberent: si enim habuissent, non
opus fuisset ut mitteretur. Cui questionì respondit
dicens. Habebant & non habebant; habebant minus,
dandum erat amplius quod non habebant; habebant
occulte, dandus erat eis manifeste, quia & hoc ad ma=
ius donum Spiritus sancti pertinebat, ut eis inote=
sceret quod habebant: de quo munere loquens Apo=
stolus, ait. Nos autem non spiritum huius mundi
accepimus, sed spiritum qui ex Deo est, ut sciamus
quæ à Deo donata sunt nobis, hæc ille, Ex qui=
bus uerbis manifestissimum redditur, pertinere hoc
ad dona Spiritus sancti, ut non solum ipsum donum
infusionis habeatur, uerum etiam ut clarè certoq;
cognoscatur haberi, & hoc maxime quum abun=
danter infunditur. Possem ex eodem doctore & alia
producere testimonia manifestissima: uerum qui non
mouebitur adductis, nec alijs mouebitur.

Beatus quoque Hieronymus super 6. cap. ad Ga=
latas, ut rem facile contingentem, inducit hominem
conscium & certum suæ mentis, qui se paratum co=
gnoscat per Dei gratiam cunctis resistere tentatio=
nibus, ut homo uerè spiritualis, & firmus in donis,
qui uix ualeat excidere. Non fuit ergo illi dubia pos=
sibilitas notitiæ gratiæ inexistentis,

Beatus item Gregorius in lib. Mor. hoc dedit sanctissimo Iob, quod certus esset suae innocentiae & gratiae, nec ullam ullibi facit specialis reuelationis mentionem: Quis autem nisi fatuus & arrogans, non certus suae iustitiae potuisset dicere. Utinam appenderentur peccata mea, quibus iram merui, & calamitas quam patior in statera: quasi arena maris haec gruior appareret. Et iterum, Qui deridetur ab amico suo, sicut ego, inuocabit Deum, & exaudiet eum. Deridetur enim iusti simplicitas. Horum uerborum sensum beatus Gregorius sic explicat. Sic itaque inopiam suam despicientes despicit, atque in sterquilino corpore positus, in quanto uirtutum culmine apud se sedeat ostendit. Et super cap. 25, sic ait. Habent itaque proprium sancti uiri, ut bona quidem quae agunt, uideant, & tamen cum peregerint, ab eorum memoria oculos auertant. Unde recte beatus Iob dicit, Si uideri solem quam fulgeret, ac si aperte deceret. Per opus meum cum alijs exemplorum lucem tribuerem, ad praesumptionis gratiam non attendi: quia dum de eo extolli timui, ab intuendo eo oculos auerti. haec ille, Quid his poterat dici clarius, ad probandum, quod homines sancti uident opera propria bona, unde certissimo colligere gratiam diuinam possint, sine qua non illa potuisset se facere certo norunt. Et ne hic diuinet quispiam reuelationem spirituales, dixit hoc esse proprium sanctorum uirorum, uidere opera sua bona, & tamen (ne extollantur) uelle ea obli-

Iob. 6.

uisi, & ad anteriora se extendere. Qui autem uide-
det, certus est.

Sunt & aliæ plurimæ sancti huius Pontificis sen-
tentia, quas hic gratia breuitatis omittimus.

.d. del
Ioan. 14.

Beatus Cyrillus lib. 10. ca. 3. super Ioan. tractans
illa uerba Domini. Ad eum ueniemus, & mansionem
apud eum faciemus, sic ait. Cum non recte a discipu-
lo intellecta uerba sua Christus uideret, repetit rur-
sus quod dixit, dilucideq; docet, non solum cogni-
tione ista communi amicis se suis manifestaturum,
sed excellentiori quodam fulgoris modo: Nam ru-
diores ab impiorum idolorum cultu, ad cognitionem
Dei uocati, solummodo per fidem discunt, quod unus
Deus qui nos creauit, colendus sit. Qui uero omni
uirtute mentem suam purgando, apti iam ad maio-
ra facti sunt, spiritus illuminatione recepta, oculis
animi habitantem in ipsis Deum uidebunt. hæc ille.

Diuus quoque Chrysostomus ab hoc testimonio
spiritus tantam uenire certitudinem, ut nulla relin-
quatur ambiguitas, nec sit fas dubitare, uerbis ma-
nifestis enuntiat, quæ ex parte superius eduximus.
Idem quoq; super illis Apostoli uerbis. Probet aut se
ipsum homo, egregie hanc certitudinem comprobat,
uolens Paulum requirere conscientia puritatem, &
uitæ certitudinem, ut sic possit celebrare & come-
dere sanctum Pasca. Quo iure autem à nobis requi-
reret Apostolus, quod non possemus prestare?

Theophilactus in eisdem Apostoli locis idem
prorsus,

prorsus, quod Chrysostomus docet. Theodoretus quoque super eisdem uerbis, Probet se ipsum homo, idem prorsus affirmat.

Beatus quoque Leo in sermone de festo Paschæ, secundo, sic ait. In Euangelio Dominus dicit. In hoc cognoscent omnes quia mei discipuli estis, si dilectionem habueritis ad inuicem. Et in Epistola eiusdem Euangelistæ legitur. Charissimi diligamus inuicem, quoniam charitas ex Deo est, & omnis qui diligit ex Deo natus est, & cognoscit Deum. Et qui non diligit, non nouit Deum: quoniam Deus charitas est. Discutiant ergo se fidelium mentes, & intimos sui cordis affectus uera examinatione diiudicent, ut si depositum aliquid in conscientijs suis de fructibus charitatis inuenerint, Deum sibi inesse non dubitent: & ut magis magisque tanti hospitis sint capaces, fiant perseueranter in misericordiæ operibus ampliores. hæc ille. Nota uerba, Non dubitent (inquit) At qui certus esse non potest, dubitare deberet. Sola enim certitudo rationabiliter dubitationem excludit.

Plurima sunt beati Bernardi testimonia, eaque adeo clara, ut nulla possit tergiuersatione uitari. Mitto enim quæ in sermone. 5. de dedi. ecclesiæ, Et in alio super illis uerbis. Tres sunt qui testimonium

explicitissime loquitur. Spiritus ubi uult spirat, & uocem eius audis, & nescis unde ueniat, aut quò uadat. Et si ille nesciebat, qui literam occidentem docebat mortuos magister mortuus: Nos scimus qui translati de morte ad uitam per uiuificantem spiritum certo & quotidiano experimento, ipso nos illuminante, probamus uota & gemitus nostros ab ipso uenire, & ad eum ire, illicq; inuenire misericordiam in oculis Dei. Quando enim sui spiritus uocem irritam faceret Deus? hæc ille. Quibus uerbis (cum dicat certo experimento, & ipso spiritu illuminante) quid dici poterat aut expressius, aut potentius, ut certitudinem inhabitantis gratiæ in nobis statueret?

Denique non præteribo quòd ipse sanctiss. Abbas ser. 69. præstans illud quod erat suis auditoribus pollicitus, uidelicet declarare (preuijs tamen orationibus) utrum in aliquam animam posset competere, ut peculiariter dicere posset. Dilectus meus mihi & ego illi: etiam iuxta illam pinguisimam expositionem quam ipse attulerat, Et cum tandem toto illo sermone id affirmasset, in hæc præclara uerba concludit, quæ ego puto esse uerissima, & tanquàm inspirata illi à Deo: ait ergo. Quanta putas ex hac mansione inter animam & Verbum familiaritatis gratia oriatur? quanta de familiaritate sequatur fiducia? Non est (ut opinor) quòd iã talis anima dicere uereatur, Dilectus meus mihi, quæ ex eo

quod se diligere, & uehementer diligere sentit, etiam diligere nihilominus uehementer non ambigit, ac de sua singulari intentione, solitudine, cura, opera, diligentia studioque, quo incessanter & ardentem inuigilat, quemadmodum placeat Deo, equae haec omnia in ipso indubitanter agnoscit, recordans promissionis eius. In qua mensura mensi fueritis, remittetur uobis: nisi quod redhibitionem gratiae prudens sponsa ad suam magis cauta est trahere partem, sciens se potius praeventam à dilecto, Inde est quod illius opera praefert. Dilectus (inquiens) meus mihi & ego illi. Ergo ex proprijs quae sunt penes Deum agnoscit, nec dubitat se amari quae amat: Ita est, Amor Dei amorem animae parit, & illius praecurrens intentio, intentam animam facit, solitudinemque sollicitam. Nescio enim qua uicinitate naturae cum semel reuelata facie gloriam Dei speculari poterit, mox illi se conformari necesse est, atque in eandem imaginem transformari. Igitur qualem te paraueris Deo, talis oportet appareat tibi Deus. Cum sancto sanctus eris, & cum uiro innocente innocens erit. Quid ni? aequè & cum amante amans, & cum uacante uacans, & cum intento intentus, & sollicitus cum sollicito. Denique ait, Ego diligentes me diligo, & qui mane uigilauerint ad me. inuenient me. Vides quomodo non

te gerit, si te senferit sollicitum sui? Vigilas tu, uigilat & ille. Consurge in nocte in principio uigiliarum tuarum; accelera quantumuis, etiam ipsas anticipare uigilias, i nuenies eum, non praeuenies. Temere in tali negocio, uel prius aliquid tribus tibi uel plus, & magis amat & ante. Si haec anima scit (imò quia scit) miraris quòd illa maiestatem quasi cetera non curantem, soli sibi intendere gloriatur, cui soli ipsa postpositis curis omnibus tota se deuotione custodit? Sermo finem desiderat, sed unum dico spiritualibus qui in uobis sunt, mirum quidem, sed uerum, animam Deum uidentem haud secus uidere, quàm si sola uideatur à Deo. Ea ergo fiducia dicit illum intendere sibi, sequè illi, nihil prater se & ipsum uidens. Bonus es Domine animæ quærenti te, occurris, amplecteris, sponsum exhibes, qui Dominus, imò qui es super omnia Deus benedictus in sæcula amen. hæc ille. Quæ si non satis sint ad certitudinem gratiæ per lumen interioris charitatis, non omninò proteruis, persuadendam, nihil profectò satis erit.

Hæc sunt de Patribus quæ placuit tandem annexere, ut uideant censores & arbitri opposita iuxta se posita, & contemplentur quibus magis lux ueritatis assistat. Quanquàm iniuriam mihi uideor fecisse scripturis, quæ non minus clarè nostris partibus fauent, nisi uerborum proprietates uiolentur. Beatus Paulus dixit, quòd Spiritus Dei contestatur

cum

cum spiritu nostro quod filij Dei sumus. Quis autem de spiritus testimonio, ut ait Chrysostomus, debeat dubitare, et non reddi certus? Ipse idem dixit. Nos accepimus spiritum qui ex Deo est, ut sciamus. 1. Cor. 2. quia donata sunt nobis; Vt sciamus inquit. Scire autem, ut declarat beatus Thomas, certam cognitionem importat. Sed occurrit hic Soto nobis, inquit non sic intelligi locum illum à Beato Thoma. Nos autem contra dicimus sic intelligi à diuo Augustino, sic & à multis patribus. Et quia Caiet. in auctoritatem recipiunt, sic & ab ipso Caietano. Idem Apostolus dixit. Vos metipsos tentate si estis in fide, ipsi uos probate. An non cognoscitis uos metipsos, quia Christus Iesus in uobis est? nisi forte reprobis estis. Hæc profectò uerba illum B. Bernardi sensum nobis probant qui dixit, aduentum spiritus periculosissime ignorari. Dominus noster apud Ioannem cap. 14. in hunc modum loquutus est. Qui diligit me, diligitur à Patre meo, & ego diligam eum, & manifestabo ei meipsum. & paulò superius. Si diligitis me, mandata mea seruare, & ego rogabo Patrem, et alium Paracletum dabit uobis, ut maneat uobiscum in eternum, spiritum ueritatis quem mundus non potest accipere, quia non uidet eum; uos autem cognoscetis eum, quia abud uos manebit.

ibid. data eius obseruamus . & iterum . In hoc scimus
Ibid.c.3 quoniam in ipso sumus . & iterum , Scimus quod
translati sumus de morte ad uitam , quoniam dili-
gimus fratres . & iterum , Filioli mei non diliga-
mus uerbo neque lingua , sed opere & ueritate . In
hoc cognoscimus quod ex ueritate sumus , & in con-
spectu eius suadebimus corda nostra . Quid his te-
stimonijs clarius ? cum totiens repetat , in hoc sci-
mus , in hoc cognoscimus : & hanc notitiam opor-
tet esse certam à lumine fidei . Quapropter Caie-
tanus illa uerba . sic uigilanter exponit . Apparet
quod non de notitia euidentia , sed de notitia fidei di-
cit , In hoc cognoscimus . Ex illa enim oritur quod
suadeamus intimis nostris non fictè , non blandiendo ,
sed in conspectu Dei , hæc ille . Et elegans scholia-
stes dominus Ioānes Gagneus in signis doctor Pari-
siensis in eundem sensum declarat his uerbis . Si non
uerbo tantum & lingua , sed corde & opere fratres
diligemus , persuasissimam & confidentem , & securā
reddemus conscientiam nostram coram Deo . hæc ille .
Abundabant & alia plura etiam de scripturis
ut hanc ueritatem , si oporteret , magis fulciremus ,
sed parco labori , quia hæc uehementer existimo sa-
tis esse superq. satis , Si quæ tamen ad perfectum tra-
ctatum desiderabuntur , Deo gratia est , q. in prom-
ptu habemus . Hæc uerò omnia , & alia quæcunque
nostra , & me ipsum , sub pedibus sacrosanctæ Synodi ,
deuotissime subdo ac suppono .

R E G I S T R V M.

A B C D E F G H I K L M N.

*Omnes sunt Duerni, præter N
qui est Ternus.*

V E N E T I I S A P V D G A B R I E -
L E M I O L I T V M
D E F E R R A R I I S
M D X L V I I.



